

古
史
紀
年

古史紀年序

太史公曰余讀謀記黃帝以來皆有年數稽其歷譜謀終始五德之傳古文咸不同乖異孔子之弗論次其年月豈虛哉故史記自共和以上皆表世而不表年蓋其慎也案漢藝文志春秋家有太古以來年紀二篇世本十五篇歷譜家有古來帝王年譜五卷帝王諸侯世譜二十卷今皆不傳傳者惟劉歆三統歷各紀三代受命年數而每王之年無聞張衡歷議嘗議歆橫斷年數損夏益周考之表紀差繆數百至衡所著編年通載十五卷當必有以糾其失而惜乎不傳也三國時蜀秦宓辨五帝非一族譙周嘗從諮訪今則並周之古史考亦亡之於晉則有皇甫謐之帝王世紀證諸史傳多所牽合其自黃帝迄三代各王之年

僅偶見於類書注家之所徵引而其書已逸難以詳考鄭樵有云紀元之書亡者甚多不過紀運圖歷代圖可見其略編年紀事之書亡者甚多不過通歷帝王歷數圖可見其略今則無一存者然則居今日而欲考古編年之史舍竹書紀年奚從焉夫紀年作於周末出於晉初郭景純取之以注山經穆傳酈道元取之以注水經小司馬取之以注史記唐六臣取之以注文選范蔚宗以入後漢書僧一行以推大衍歷司馬溫公以定通鑑其爲歷代名人所寶也如是而後之議者毛舉一二遂並其全書而疑之余不可以不辨據杜預左傳後序晉東晉傳隋經籍志並云紀年起自夏殷周不始黃帝然昌意產乾荒顓頊產伯鯀后稷放帝朱郭注山經引之堯元年丙子隋律歷志引之而

荀勗和嶠明云紀年起自黃帝見魏世家注非與今本合之明證歟杜又云曲沃莊伯之十一年十一月魯隱公之元年正月也皆用夏正建寅之月爲歲首而今本隱公元年當莊伯之九年仍用周正東晉傳謂紀年夏年多殷而今本殷年多夏又春秋以降水經注所引皆紀晉魏之年而今本皆以周王紀年種種不合夫竹書初出多殘缺散亂當時撰次者荀勗和嶠衛恆東晉而王庭堅加以辨難束皙爲之釋難王接詳其得失其定之非一人則傳之非一本故隋志載紀年有竹書同異一卷異文疑義皆宜而存豈可舉一廢百執彼疑此耶惟其卷數晉傳稱十三篇隋志稱十二卷唐志稱十四卷宋志僅云三卷而今本祇上下二卷繁簡不倫宜多脫落考晉書續咸有汲冢古文

釋十卷意其初必附錄各家辨證之語抑或有採他書而爲之傳者而今亡矣故其軼時時見於他說今世嘗竹書者動舉伊尹自立太甲殺尹爲口實不知瞽瞍朝舜夏禹德衰橫議之習何所不至若使後人爲之方將依經襲古擬之惟恐不肖而敢爲是言乎余嘗反覆是書而得其不可僞者三焉夏世改元率在三年之後其多者或以四年五年少者或以二年踰年至商以後始無不踰年改元者此類非可臆造一也商之諸王各注其名皆史所不載二也書甲子於夏統中絕之年詳地理於殷邦五遷之際田剗被弑史索隱引梁惠改元孤立一說於史家之外而皆與經傳相表裏三也至其三代年數夏四百三十二年與三統歷世紀合周自成王元年至共和之初二百十一年與魯

世家伯禽以下年數合皆左證確然無可易者惟左傳商
祀六百而紀年祇五百八年似當從三統厯六百二十九
年爲近其各王年數尙見通志然亦有可疑者祖甲享國
三十有三年通志以太甲當之豈太甲以後皆罔克壽耶
至邵子經世以太甲祖甲並三十三年又調停兩可之顯
然者則後人之揣合終不如古簡之傳疑也自宋以來編
古史者率以皇極經世爲主顧經世始堯甲辰雖本世紀
而其餘年數又不盡同未知何據仁山金氏乃因經世而
以意增減之以求合乎經傳信近疑遠強事繫年鑿定甲
子興王新立則比事連書中葉無徵則曠代絕筆若是者
其堪傳信乎余少習舉業耽情古史參互攷證於今有年
竊惟春秋經傳明備非後人所得損益惟前此自共和上

溯黃帝年紀缺如思有以萃古書之殘闕集載筆之大成
遂乃推按竹書爲之綱領閒或移削必有據依至原註多
引符瑞恐非本書或存或略其他書之確有年者增之無
年者類附之乖異者旁註而兩存之引事必從其原攷年
無取乎鑿其於多聞闕疑之意或庶幾乎茲編下接左氏
非爲竹書而作故以古史名之左氏以後則輯戰國時事
六卷別爲一書後有君子以覽觀焉嘉慶二十五年庚辰
秋九月閩中林春溥識於京師寓齋

古史紀年卷一

閩中林春溥鑑塘纂

黃帝軒轅氏

三墳謂之地皇

史本紀曰黃帝者少典之子姓公孫

晉語曰黃帝少典之子

炎帝黃帝以姬水成炎帝以姜水成成而異德故黃帝

為姬炎帝為姜二帝用師以相濟也索隱曰黃帝即少

典氏後代之子孫本姓公名曰軒轅北河圖握矩曰各軒

孫長居姬水因改姬姓並云黃帝經序及難經疏生而神靈世紀曰毋曰附寶見

郊野感附寶孕二十四月生黃帝於壽丘拾遺記曰毋

曰昊樞以戊巳之日生五行書曰以戊子日生元命包

曰黃帝龍顏河弱而能言幼而徇齊焉子曰黃帝十歲

圖曰黃帝允頤弱而能言幼而徇齊焉子曰黃帝十歲

其長而敦敏成而聰明於有熊居軒轅之正故因以為

名又以軒轅之時神農氏世衰盧阜甫謚所云帝榆罔

是諸侯相侵伐暴虐百姓而神農氏弗能征於是軒轅

乃習用干戈以征不享古史考曰黃帝作弩世本曰揮

鑄歌軍樂也黃帝使岐伯所作也黃帝內傳曰元女請

帝製角二十四以警衆請帝製鉦鎛以擬雷之聲劉向

別錄曰蹴鞠黃帝諸侯咸來賓從萬機論曰黃帝之初

所造本兵勢也稱號交共謀之邊城日營介冑不釋

而四帝各以方色稱號交共謀之邊城日營介冑不釋

黃帝歎曰君危於上臣不安於下主失於國其臣再嫁

厥疾之由非養寇耶今處民萌之上而四道充衡遞震

予師於是遂師營壘以滅四帝管子曰黃帝問於伯高

曰吾欲陶天下而爲一家爲之有道乎伯高對曰請刈

其荒而樹之吾能逃其害牙則天下可陶而爲一家黃

帝曰若此言可得聞乎伯高對曰上有丹砂者下有黃

金上有慈石者下有銅金上有陵石者下有鉛錫赤銅

上有赭者下有鐵此山之見榮者也菑山之見其榮者

君謹封而祭之距封十里而爲一壇是則使乘者下行

行者趨若犯令者罪死不赦然則與折取之遠矣修教

十年而葛盧之山發而水金從之蚩尤受而制之以

爲劍鏃矛戟是黃相兼者諸侯九雍狐之山發而水

金從之蚩尤受而制之以爲雍狐之山發而水

者諸侯十二龍魚河圖曰黃帝時有蚩尤兄弟八十一

人並獸身人語劍頭鐵額食砂石子造立兵杖刀戟大

弩威振天下誅殺無道不仁慈萬民欲令黃帝行天子

事黃帝仁義不能禁蚩尤黃帝仰天而數天遣元女下

設黃帝兵信神符制伏蚩尤帝因使之主兵以制八方
尸子曰蚩尤作治列仙傳曰甯封子為黃帝陶正漢書
兵形勢蚩尤而蚩尤最為暴莫能伐周書曰昔天之初赤
尤二篇蚩尤而蚩尤最為暴莫能伐周書曰昔天之初赤
於字少吳以陳四方蚩尤乃逐帝爭於涿鹿之河九隅
無道赤帝大備乃說於黃帝執蚩尤殺之於中冀以甲
兵釋怒用大正順天思序紀於大帝用名之曰絕魯之
野呂刑曰若古有訓蚩尤惟始作亂延及于平民罔不
寇賊鴟義姦宄奪攘矯虐孔安國曰蚩尤九黎之君陸
德明曰神農後第八帝曰榆罔時蚩尤強與罔爭王逐
榆罔罔與黃帝合謀擊殺蚩尤歸藏曰蚩尤出自羊水
八狄八趾疏首登九淖以伐空桑黃帝殺之於青丘作
桐鼓之曲十章一曰雷震驚六曰鵬鸞爭七曰壯士奮志
四曰龍媒蹀五曰靈夔吼六曰鵬鸞爭七曰壯士奮志
八曰熊羆哮吼九曰石曼崖十曰波盪壑山海經曰蚩
尤作兵伐黃帝黃帝乃命應龍攻之冀州之野應龍負
水蚩尤請風伯雨師縱大風雨黃帝乃下天女曰魃雨
止遂殺蚩尤魃不得復上所居不雨叔均言之帝後置
之赤水之北叔均乃為田祖大荒北經曰應龍已殺蚩
尤又殺夸父乃去南方處之故南方多雨大荒東經曰
應龍處南極殺蚩尤與夸父不得復上炎帝欲侵陵諸
故下數旱早而為應龍之狀乃得大雨

侯諸侯咸歸軒轅軒轅乃修德振兵治五氣藝五種撫

萬民度四方敎能羆貔貅羆虎

釋史曰猛獸惡可馴邪書曰如虎如貌如熊如

羆意或軍帥武勇之號如後世之虎牙驍騎者而列子以為猛獸有人心是矣也

以與炎帝戰

於阪泉之野

括地志曰阪泉今名黃帝泉在嫫州懷戎縣東五十六里

三戰然後得

其志

新書曰炎帝者黃帝同母異父兄弟也各有天下之半黃帝行道而炎帝不聽故戰於涿鹿之野血

流漂杵歸藏曰黃帝與炎帝爭閼涿鹿之野將戰筆於

巫咸曰果哉而有咎周書曰昔阪泉氏用兵無已誅戰不休并兼無親文無所立智十寒心徙居至於獨鹿諸

侯畔之阪泉以亡陰經通甲曰蚩尤者炎帝之後與少昊治西方之金案管子古之封禪七十有二家神農氏

封泰山禪云云炎帝氏封泰山禪云云黃帝氏封泰山禪亭亭據此則炎帝非即神農氏蓋蚩尤也嘗綜諸書

考之蚩尤木炎帝之後與黃帝同族始嘗為黃帝治兵

主治西方稱阪泉氏後恃其強欲令黃帝行天子事黃

帝不聽乃伐空桑延神農氏徙居涿鹿娶號炎帝與封

禪因蚩尤伐黃帝故黃帝與戰於涿鹿之野耳史記誤分

戰炎帝禽蚩尤為二而前既云諸侯相侵伐神農氏弗能征後又云炎帝欲侵

師諸侯與蚩尤戰於涿鹿之野

鹿戰國策曰黃帝戰於涿鹿之野而西戎之兵不

至地理志上谷有涿鹿縣晉太康地理志
逐禽殺蚩尤

世紀曰使力牧神皇直討蚩尤氏擒於涿鹿之野使應

龍殺之於因黎之丘凡五十二戰而天下大服元女兵

法曰黃帝攻蚩尤三年城不下得術士伍胥問之胥曰

是城中之將自色商音帝之始攻得無以秋之東方行

乎今帝為蒼色角音攻三日城必下乃設五旗五甲已

具四面攻之三日城果下通典云蚩尤氏帥魍魎與黃

帝戰於涿鹿帝命吹角作龍吟以禦之古今注曰黃帝

與蚩尤戰於涿鹿帝命吹角作龍吟以禦之古今注曰黃帝

指南車以示四方遂擒蚩尤而即帝位故後常建焉又

黃帝與蚩尤戰於涿鹿之野常有五色雲氣金枝玉葉

止於帝上元女為帝製夔牛鼓八十面一震五百里

黃帝伐蚩尤元女為帝製夔牛鼓八十面一震五百里

連震三百八十里元女為帝製司南車當其前記里鼓

車居其右又黃帝斬蚩尤靈神獻絲乃稱織紵之功鹽

鐵論曰軒轅戰涿鹿殺兩驍蚩尤而為帝拾遺記曰軒

轅去蚩尤之凶遷其民善者於鄒屠之地遷惡者於有

北之鄉其先以地名族後分為鄒氏屠氏阜覽曰蚩尤

冢在東平郡壽張縣關鄉城中高七丈民常以十月祀

之有赤氣出如匹絳帛民名為蚩尤旗肩髀冢在山陽

郡鉅野縣重聚大小與關冢等傳言黃帝與蚩尤戰於

涿鹿之野黃帝殺之身體異處故別葬之路而諸侯咸

史云帝年三十七戮蚩尤於中冀未知所據而諸侯咸

一

三

一

尊軒轅為天子代神農氏

元和姓纂曰黃帝封榆罔支子於路

是為黃帝

本紀曰有土德之瑞故號黃帝呂氏春秋曰黃帝之時天先見大螾大蟻黃帝曰土氣勝土氣勝故其色尚黃

其事則土

元年

以下編年並從竹書紀年○案杜預左傳後序晉書東晉傳並云紀年起自夏殷周然史記魏世家襄王

卒下注引荀勗曰和嶠云紀年起自黃帝終於魏之今王正與今本合

後漢書

律志

曰黃帝造歷元起辛卯史記曰神農以前

尙矣蓋黃帝攷定星歷建立五行起消息正閏餘於是

有天地神祇物類之官是謂五官各司其序不相亂也

又曰黃帝得寶鼎宛胸問於鬼與區鬼與區對曰黃帝

得寶鼎神策是歲己酉朔旦冬至得天之紀終而復始

於是黃帝迎日推策後率二十歲復朔旦冬至凡二十

推三百八十年黃帝僊登於天

世本曰大撓作甲子客成作歷隸首作數呂氏

春秋曰義和作占日常儀作占月后益作
占漢書兵陰陽鬼容區三卷圖一卷

帝卽位居有熊國皇甫謐曰有熊今河南新鄭是也古有鄭
黃帝之所都路史曰帝自有熊啟辟故

又曰有熊氏

本紀曰天下有不順者黃帝從而征之平者去之披山

通道未嘗寧居管子曰黃帝之王謹逃其爪牙不利其
器燒山林破增藁焚沛澤逐禽獸實以

益人然後天下可得而收也世本曰
狄作舟俱黃帝臣呂氏春秋曰虞姁作舟乘雅作駕寒

哀作御王冰作服牛漢書曰黃帝作舟車以濟不通旁
行天下方制萬里畫壁分州得百里之國萬區木紀曰

置左右大監監於萬國萬國和而鬼神山川封禪與焉
多焉世紀曰黃帝受命風后受圖割地布九州置十二

國拾遺記曰置四史以主圖藉使九行之士
以統萬國論語語曰軒知地利九牧倡教東至於海

登丸山及岱宗王惟禪書曰封禪七十二
惟黃帝得上泰山封西至於空桐見

十九登雞頭南至於江登熊湘北逐葷粥合符釜山而

邑於涿鹿之阿括地志曰涿鹿城在鵠州東南五十里
輿地志曰涿鹿本名彭城黃帝初都遷

有熊也水經注曰姚賡遷徙往來無常處鄭環曰黃帝生於新鄭之
 以爲皇帝都陳在陳倉軒轅王嗣爲諸侯當居有熊滅蚩尤當居涿鹿諸侯尊
 爲天子當居榆罔之故都陳倉而後遷於壽王陟於上
 郡葬於以師兵爲營衛風后握奇經曰天地風雲龍虎
 橋山機神宗神武秘略云兵法處山之軍居高爲奇餘奇爲握
 軍所就卑下斥澤之軍必依水草平陸之軍擇其田易
 此四軍黃帝之所以勝四帝也黃帝內傳曰帝既斬蚩
 尤因立臺榭無屋曰臺有屋曰榭新語曰黃帝代木構
 材築作宮室上棟下宇以避風雨呂氏春秋曰高元作室

初制冕服

家語曰黃帝始垂衣裳作黼黻拾遺記曰軒轅始造書

契商恆書勢曰黃帝之史沮誦蒼頡賦彼有袞龍之頌黃帝內傳曰帝伐世本曰黃帝作旃冕胡

曾作冕呂氏春秋曰胡曹作衣伯余作衣裳於則作屣

履帝臣黃世紀云黃帝始去皮服爲上衣以象天下裳以

履帝臣黃世紀云黃帝始去皮服爲上衣以象天下裳以

象地

大戴禮孔子云黃帝黼黻衣大帶黼裳乘龍展雲

錄附

九年正月上寅詣首陽山

真源賦曰黃帝以地皇九年正月上寅詣首陽山卒收

從焉次駕東行詣青丘紫府先生受三皇錄及天文大

字抱朴子曰黃帝東到青丘遇鳳山見紫府先生受三

皇內文以効召萬神南到閭闔陰建木觀百穀之所

登採若乾之華飲丹轡之水○紫方土虛誕多託之黃

帝而後人復揚其波本不足信今以其具載年月姑附

之以備史封禪書曰天下名山八而三在蠻夷五在中

國華山首山太室太山東萊此五山黃帝之所常游與

神會韓子曰黃帝合鬼神於西太山之上駕象車六蛟

為清角之樂黃帝內傳曰黃帝既與王母黃帝且戰且

學仙百餘歲然後得與神通

拾遺記曰帝使風后負書

陰浦行萬里而一息

附錄

十九年訪廣成子于空同

莊子曰黃帝立爲天子十九年令行天下聞廣成子在
於空同之上故往見之曰我聞吾子達於至道敢問至
道之精吾欲取天地之精以佐五穀以養民人吾又欲
官陰陽以遂羣生爲之奈何廣成子曰而所欲問者物
之質也而所欲官者物之殘也自而治天下雲氣不待
族而雨草木不待黃而落日月之光益以荒矣而佞人
之心剪剪者又奚足以語至道黃帝退捐天下築特室
席白茅閒居三月復往邀之廣成子南首而臥黃帝順
下趨膝行而進再拜稽首而問曰聞吾子達於至道敢
問治身奈何而可以長久廣成子灑然而起曰善哉問
乎來吾語汝至道至道之精窈窈冥冥至道之極昏昏

默默無視無聽抱神以靜形將自正必靜
形無搖女精乃可以長生目無所見耳無所聞心無所知
女神將守形形乃長生慎女內閉女外多知爲敗我
爲女遂於大明之上矣至彼至陽之原也爲女入於窈
冥之門矣至彼至陰之原也天地有官陰陽有藏慎守
女身物將自壯我守其一以處其和故我修身千二百
歲矣吾形未嘗衰黃帝再拜稽首曰廣成子之謂天矣
抱朴子曰西見中黃子受九加之方過洞庭從廣成子
受自然之經北到洪崖上具茨見大隗君黃蓋童子授
神芝圖還陟王屋得神丹金訣到峨嵋山見天皇真人
於玉堂莊子曰黃帝將見大隗乎具茨之山方明爲御
昌寓驂乘張若謂朋前馬昆閭滑稽後車至於泰壹雜
襄城之野七聖皆迷適遇牧馬童子問塗焉

子曰黃帝謁峨嵋眉見天真皇人拜之玉堂曰敢問何爲
三一之道皇人曰而旣已君統矣又咨三一無乃朗抗

乎古之聖人蓋三辰立晷景封域以判邦山川以分陰陽寒暑以平歲道執以衛衆交質以聚民備械以防姦車服以章等皆法乎天而鞠乎有形者也天地有啟閉日星有薄失治亂有運會陰陽有形數賢愚之蔽壽夭之質貴賤之事吉凶之故一成而不變類氣浮於上而精氣萃於下性發乎天命成乎人使聖人以爲之紀是以聖人欲治天下必先身之立權以聚財葵財以施智因智以制義由義以出信杖信以著衆用衆以行仁安仁以輔道迪道以保教善教以政俗從俗以毓質崇質以恢行勤行以典禮制禮以定情原情以道性復性以一德成德以敎命和命以安生而天下自爾治萬物自爾得神志不勞而真一定矣子以叢爾之身而百夫之

所為備故天和莫至悔吝屢庚生殺失寒暑之宜動靜
戾剛柔之節而貪欺終無所用無乃已浮乎黃帝乃終
身弗違而天下治

二十年景雲見

原註有景雲之瑞赤方氣與青方相連

天官書曰若煙非煙若雲非雲

郁郁紛紛蕭索輪囷是為卿雲蓋出於有道之國後漢
郎顗傳曰景雲降集註曰景雲五色雲也晉書天文志
曰慶雲亦曰景雲此喜氣也太平之應詩推災曰外
規有雲內有如羊而黃者景雲也春秋演孔圖曰黃帝
將興黃雲升於堂赤方中有兩星青方中有一星凡三星皆黃

色以天清明時見於攝提名曰景星

拾遺記曰軒轅有黃星之瑞考定歷

紀景星蓋黃星也

以雲紀官

本紀曰官名皆以雲命為雲師

應劭曰黃帝受命有雲瑞故以雲紀事也春官

為青雲夏官為霜雲秋官為白雲冬官為黑雲中官舉為黃雲論語撰考識曰黃帝受地形象天文以制官舉

風后力牧常先大鴻以治民下之塵垢皆去又夢人執

千鈞之弩驅羊萬羣帝寤而數曰風為號令決政者也

異力者也驅羊萬羣能牧民為善者也天下豈有姓力

名牧者哉於是依二占而求之得風后於海隅登以為

相得力牧於大澤進以為將淮南子論語摘輔象曰黃

帝七輔風后受金法春秋內傳曰黃帝師於風后風后

漢書兵陰陽風后十三卷圖二卷呂氏春秋天老受天

日黃帝師大撓人表云師封鉅大嶼大山稽天老受天

錄五聖受道級知命受糾俗窺紀受變復地典受州絡

力墨受準斥州選舉翼佐聖德上世紀曰黃帝以風后配

配下台謂之三公共餘知命規紀地典與力牧常先封胡

孔甲等或以為師或以為將白虎通曰黃帝師力牧漢

書道家力牧二十二篇兵陰陽封胡五篇力牧管子曰

十五篇地典六篇雜家孔甲盤孟二十六篇黃帝得六相而天地治神明至蚩尤明乎天道風后紀作

故使爲當時

三墳皇曰成伯天師爾司日月星辰不及

時者殺爾惟戒世紀曰黃帝命雷公岐伯論經旁

通問難八十爲難經教制九鍼著內外經十八卷○

案管子以蚩尤明乎天道豈別一蚩尤耶據三墳則大

師爲岐伯而難經之作固非明乎天道者不能至外紀

以爲風后說本春大常察乎地利故使爲稷者曰三墳皇

秋內傳亦爲近之惟勤恭哉奢龍辨乎東方故使

北正爾居田制民事爾訓爾均百奢龍辨乎東方故使

工惟良山川爾圖爾惟勤恭哉奢龍辨乎東方故使

爲土師行三墳皇曰龍東正爾分爵祿賢智爾咨爾

辨乎南方故使爲司徒三墳皇曰融南正爾平禮服祭

廢祀事以簡大封辨乎西方故使爲司馬三墳皇曰大

恭爾惟念哉大封辨乎西方故使爲司馬三墳皇曰大

千戈刑法爾掌爾平六帖曰黃帝時常先爲司馬掌建

邦之九法元中記云黃帝軒之臣茹豐氏有罪刑而放

之扶伏后土辨乎北方故使爲李壁壘已定穿窬不蘇

而去爲姦人姦人者殺三墳皇曰后土中正爾職山川

路是爲姦人姦人者殺三墳皇曰后土中正爾職山川

草木蟲魚鳥獸爾掌爾察無亂田制以作田訟爾惟念

哉故春者土師也夏者司徒也秋者司馬也冬者李也

尸子曰子貢問於孔子曰古者黃帝四面信乎孔子曰黃帝取合己者四人使治四方不謀而親不約而成大有成功此之謂四面也

附錄三十年帝退居大庭之館

列子曰黃帝卽位十有五年喜天下戴己養正命娛耳目供鼻口焦然肌色肝黝昏然五情爽惑又十有五年憂天下之不治竭聰明進智力營百姓焦然肌色肝黝昏然五情爽惑黃帝乃喟然讚曰朕之過淫矣養一己其患如此治萬物其患如此於是放萬機舍宮寢去直侍徹鐘懸減廚膳退而閑居大庭之館齋心服形三月不親政事晝寢而夢遊於華胥氏之國華胥氏之國在弇州之西台州之北不知斯齊國幾千萬里蓋非舟車足力之所及神遊而已其國無帥長自然而已其民無

嗜慾自然而已不知樂生不知惡死故無天殤不知親
已不知疎物故無愛憎不知背逆不知向順故無利害
都無所愛惜都無所畏忌入水不溺入火不熱斫撻無
傷痛指撻無瘡癢乘空如履實寢虛如處牀雲霧不礙
其視雷霆不亂其聽美惡不滑其心山谷不躡其步神
行而已黃帝既寤怡然自得召天老力牧太山稽告之
曰朕閒居三月齋心服形思有以養身治物之道弗獲
其術疲而睡所夢若此今知至道不可以情求矣朕知
之矣朕得之矣而不能以告若矣又二十有八年天下
大治幾若華胥氏之國而帝登假百姓號之二百餘年
不輟

符子曰黃帝謂其友無爲子曰我勞天下矣疲於
形役請息駕於元圃子直代之無爲子曰焉能棄
我之逸而爲君之勞
哉乃攀龍而俱去

五十年秋七月庚申鳳鳥至

韓詩外傳曰黃帝卽位施惠承天一道修德惟仁是行
宇內和平未見鳳凰惟思其象夙寐晨興乃召天老而
問之曰鳳象何如天老對曰夫鳳象鴻前麟後蛇頸而
魚尾龍文而龜身燕頤而雞喙戴德負仁抱忠挾義小
音金大音鼓延頸奮翼五彩備舉鳴動八風氣應時雨
食有質飲有儀往卽文始來卽嘉成惟鳳爲能通天祉
應地靈律五音覽九德天下有道得鳳象之一則鳳過
之得鳳象之二則鳳翔之得鳳象之三則鳳集之得鳳
象之四則鳳春秋下之得鳳象之五則鳳沒身居之黃
帝曰於戲允哉朕何敢與焉於是黃帝乃服黃衣戴黃
冕致齋於宮鳳乃蔽日而至黃帝降於東階西面再拜

稽首曰皇天降祉不敢不承命鳳乃止帝東園集帝梧

桐食帝竹實沒身不去

世紀曰黃帝癩於中宮有大鳥

狀如鶴體備五色三文成字首文曰順德背文曰信義
膚文曰仁智不啄生蟲不履生草或止帝之東園或巢
阿閣或鳴於庭其飲食其雄
自歌其雌自舞音如蕭笙○抱朴子曰帝轅候鳳鳴

而調律隋毛爽云帝聽鳳阿閣之下造十二律呂氏春

秋曰昔黃帝令伶倫作為律

人表作
治淪

伶倫自大夏之西

乃之阮隃之陰取竹於嶰谿之谷以生空竅厚鈞者斷

兩節間其長三寸九分而吹之以為黃鍾之宮次曰含

少次制十二筒以之阮隃之下聽鳳凰之鳴以別十二

律其雄鳴為六雌鳴亦六以比黃鍾之宮適合黃鍾之

宮皆可以生之故曰黃鍾之宮律呂之本

晉志曰黃帝
作律以玉為

琯長尺六寸為十二月易是類謀曰聖人興起不知姓
名當吹律聽聲以別其姓黃帝吹律以定姓是也世本

曰伶倫造磬

黃帝又命伶倫與榮將鑄十二鍾以和五音以

施英韶以仲春之月乙卯之日日在奎始奏之命之日

咸池

管子曰黃帝以其緩急作五聲以政五鍾令其五

四曰景鍾昧其明五曰黑鍾隱其常五聲既調然後作

立五行以正天時五官以正人位人與天調然後天地

之美莊子曰北門成問於黃帝曰帝張咸池之樂於洞

庭之野吾始聞之懼復聞之怠卒聞之而惑蕩蕩默默

乃不自得帝曰女殆其然哉吾奏之以人徵之以天行

之以禮義建之以太清夫至樂者先應之以人事順之

以天理行之以五德應之以自然然後調理四時太和

萬物四時迭起萬物循生一盛一衰文武倫經一清一

濁陰陽調和流光其聲蟄蟄始作吾驚之以雷霆其卒

無尾其始無首一死一生一債一起所常無窮而一不

可待女故懼也吾又奏之以陰陽之和燭之以日月之
明其聲能短能長能柔能剛變化齊一不主故常在谷
滿谷在阡滿阡塗郤守神以物爲量其聲揮綽其名高
明是故鬼神守其幽日月星辰行其紀吾止之於有窮
流之於無止子欲慮之而不能知也望之而不能見也
逐之而不能及也儻然立於四虛之道倚於槁梧而吟
目窮乎所欲見力屈乎所欲逐吾旣不及已夫形充空
虛乃至委蛇女委蛇故怠吾又奏之以無怠之聲調之
以自然之命故若混逐叢生林樂而無形布揮而不曳
幽昏而無聲動於無方居於窈冥或謂之死或謂之生
或謂之實或謂之榮行流散徙不主常聲世疑之稽於
聖人聖人者達於情而遂於命也天機不張而五官皆

帝祭于洛水

俱也

幽思賦註大
容詩帝樂師

備此之謂天樂無言而心說故有焱氏爲之頌曰聽之
不聞其聲視之不見其形充滿天地包裹六極女欲聽
之而無接焉而故惑也樂者始於懼懼故崇吾又次之
以怠怠故遁卒之以惑惑故愚愚故道道可載而與之
原註庚申天大霧三日三夜晝昏帝問天老力牧客成
曰於公何如天老曰臣聞之國安其主好文則鳳凰居
之國亂其主好武則鳳凰去之今鳳凰翔於東郊而樂
之其鳴音中夷則與天相副以是觀之天有嚴教以賜
帝帝勿犯也召史卜之龜焦史曰臣不能占也其問之
聖人帝曰已問天老力牧客成矣史北面再拜曰龜不

違聖智故焦霧既除游於洛水之上見大魚殺五牲以

醮之天乃甚雨七日七夜魚流於海得圖書焉龍圖出

河龜書出洛赤文篆字以授軒轅以上並見宋符瑞志

修德立義天下乃治乃召天老而問焉余夢見兩龍挺

白圖以授余於河之都天老曰河出龍圖洛出龜書紀

帝錄列聖之姓號興謀治太平然後鳳凰處之今鳳凰

已下三百六十日矣天其授帝圖乎黃帝乃誠齊七日

至於翠鳥之川大鱸魚折溜而至乃與天老迎之五色

畢具魚汎白圖蘭葉朱文以授黃帝名曰綠圖文心雕

龍曰綠圖曰浮潭鳴焉芬芬雉雉萬物盡化春秋合誠

圖曰黃帝遊元扈洛水上與大司馬容光左右輔周昌

等百二十二人臨之鳳凰街圖置帝前帝再拜受圖宋

符瑞志曰聖德光被羣瑞畢臻有屈軼之草生於庭後

人入朝則草指之接萬神於明庭今寒門谷口是也史記

是以侯人不敬進接萬神於明庭今寒門谷口是也記

曰黃帝時萬諸侯而神靈之封居七千黃帝郊雍上帝

宿三月鬼與區號大鴻死葬雍故鴻冢是也其後黃帝

接萬靈明庭明庭者甘泉也所謂寒門者在雍州醴泉縣東

曰九變山中西謂之谷口即古寒門在雍州醴泉縣東

北四十里孝經疏曰明庭明堂也案國語禹致羣神於

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

會稽之山韋註羣神謂主山川之君為羣神之主故謂

之神也此神亦諸侯言合諸侯於明堂也故文中子稱黃帝有合宮之聽管子稱黃帝有明臺之議外紀亦云黃帝作合宮祀上帝布政教是已

五十九年貫胸氏來賓長股氏來賓

海外南經曰貫匈國其為人胸有竅在臆國東海外西

經曰長股之國在雒常北被髮淮南子三十六國有修股民尸子曰

四夷之民有貫胸者有深目者有長肱者黃帝之德嘗

致之宋符瑞志曰黃帝時南夷乘白鹿來獻也

七十七年昌意降居若水產帝乾荒

山海經曰黃帝妻雷祖生昌意帝繫曰黃帝居軒轅之

之嫫祖氏產青陽及昌意史記本之而以青陽即元孫

國語又謂青陽方雷氏之甥人表以爲參祖生昌意方

雷氏生元囂昌意降處若水帝繫曰青陽降居泝水昌

是爲青陽降居江水水經若水注曰山海經曰南海之內黑水之

子昌意德劣不足紹承大生韓流韓流取淖子曰阿女

位降居斯水為諸侯焉郭注曰竹書昌意降若水產帝乾荒乾荒即

生顓頊韓流也生帝顓頊案帝繫史記並云昌意娶於

蜀山氏蜀山氏之子謂之昌漢國語曰黃帝之子二十

五人其同姓者二人而已惟青陽與夷鼓皆為己姓青

陽方雷氏之甥也夷鼓彤魚氏之甥也其同生而異姓

者四母之子別為十二姓姬酉祁已滕葳任荀嬀姑儗

依是也惟青陽與倉林氏同於黃帝故皆為姬姓世紀

妃西陵氏女曰嫫祖生昌意次妃方雷氏女曰女節生

青陽次妃彤魚氏女生夷鼓一名蒼林次妃嫫母生倉林皇閭

三夫人之下漢書人表彤魚氏生夷鼓嫫母生倉林皇閭

要覽曰西陵氏始養盤呂氏春秋曰嫫母執手黃帝黃

帝曰厲女德而弗忘與女正而弗衰雖惡奚傷山海經

曰黃帝生禺繇禺繇生禺京禺京處北海禺繇處東海

是為海神又黃帝生苗龍苗龍生融吾融吾生弄明弄

明生白犬白犬有牝牡是為犬戎又黃帝之孫曰始均

始均生北狄後魏書曰黃帝子昌意少子受封北土國

有大鮮卑山因以為號其後世為君長統幽都之北黃

古史記卷一

帝以土德王北俗謂土為托謂后為跋故以為氏其裔始均仕堯世逐女魃於弱水北民賴其勲帝舜嘉之命為田祖歷三代至秦漢始均之裔不交南夏是以載籍無聞焉

二百年地裂

開元占經引尚書說曰黃帝將亡則土裂

帝陟

原註帝王之崩皆曰陟書新陟王謂新崩也帝以土德

王應地裂而陟葬

史記曰黃帝崩葬橋山封禪書曰黃

有龍垂胡髯下迎黃帝黃帝上騎羣臣後宮從上者七十餘人龍乃上去餘小臣不得上乃悉持龍髯龍髯拔

墮墮黃帝之弓百姓仰望黃帝既上天乃抱其弓與胡髯號故後世因各其處曰鼎湖其弓曰烏號黃帝已僊

上天羣臣葬其衣冠路史引五行書曰黃帝以甲戌日崩一云戊午劍經言黃帝鑄鼎以乘崩葬橋山後五百

年山崩空室無尸惟存寶劍赤舄列仙傳曰黃帝自擇亡日至七十七日亡七十七日還葬於橋山漢地理志曰上

郡陽周橋山在南有黃帝冢世紀曰黃帝在位百年而崩年百一十一歲或傳以為仙或言壽三百歲大藏禮

宰我問於孔子曰昔者予聞諸榮伊令黃帝三百年請問黃帝者人耶抑非人耶何以至於三百年乎孔子曰生而人得其利百年死而民畏其神百年亡而民用其教百年故曰三百年

感思帝德取衣冠几杖而廟饗之

御覽引抱朴子曰汲郡塚中竹書言黃帝

既仙去其臣有左徹者創木為黃帝之像帥諸侯朝奉之路史引晉周生招魂議曰黃帝體仙登遐其臣扶微等斂其衣冠葬之

諸侯大夫歲時朝焉○管子曰黃帝之治天

下也其民不引而來不推而往不使而成不禁而止故

黃帝之治也置法而不變使民安其法者也本紀曰順

天地之紀幽明之占死生之說

莊子逸篇游鬼問雄黃曰今逐疫出魅擊鼓呼

噪何也雄黃曰黔首多疾黃帝氏立巫咸使黔首沐浴

齊戒以通九竅鳴鼓振聲以動其心勞形趨步以發陰

陽之氣飲酒茹葱以通五藏黔首不知以為魅祟也

存亡之難時播百穀草木黃帝

內傳曰黃帝升為天子地祿草木述耕種之利因之以

廣耕種古史考曰黃帝作釜鑪始蒸穀為飯烹穀為粥

世本日雍父淳化鳥獸蟲蛾一說文曰解鳥獸也似山牛

作春黃帝臣淳化鳥獸蟲蛾一角古者決訟令觸不直

神人以薦遺黃帝黃帝曰何食何
處曰食薦夏處水澤冬處松柏
旁羅日月星辰水波

土石金玉勞勤心力耳目
黃帝中凡銘曰子居民上搖
搖恐夕不至朝惕惕恐朝不

及夕兢兢慄慄日換一日人莫
引太公金匱曰黃帝云余在民上
搖搖恐夕不至朝惕惕恐朝不

金人三緘其節用木火材物
呂氏春秋曰黃帝言曰聲
口慎言語也節用木火材物
禁重色禁重衣禁重香禁

重味禁重室禁重淮南子曰黃帝治天下日月精明星辰不失

其行風雨時節五穀登熟虎狼不妄噬鸞鳥不妄搏鳳

凰翔於庭麒麟遊於郊青龍進駕飛黃服皂諸北僂耳

之國莫不獻其貢職
抱朴子曰黃帝生而能言役使百
靈可謂天授自然之體者也猶復

不能端坐而得道故陟王屋而受丹經到鼎湖而飛流

珠登崦嵫而問廣成之具茨而事大隗適東岱而奉中

黃入金谷而咨滑子論導養而質元素二女精推步則

訪山稽力牧講占候則詢風后著體診則受岐雷審攻
戰則納五音之策窮神姦則記白澤之詞相地理則書
青鳥之說救傷殘則綴金冶之術故能畢該祕要窮道
盡真遂乘龍以高躋
與天地手罔極也

春秋命歷序曰黃帝傳十世一千五百二十歲易稽覽圖作一

千二百路史引內簡黃帝經曰黃帝後有帝鴻山海經

五十年路史引內簡黃帝經曰黃帝後有帝鴻山海經

生帝鴻路史引俊作律云律黃帝之字案左傳帝鴻氏

有不才子謂之渾敦杜註以帝鴻高辛唐虞為五代是亦

春秋運斗樞以帝鴻金天高陽高辛唐虞為五代是亦

以為黃帝也漢書人表又敘帝鴻於炎帝之前未知孰

是帝魁孝經鈎命訣曰任已感神生帝魁鄭康成引尚

秦穆公凡三千青陽金天歷四世乃至顓頊案路史引

二百四十篇經序曰黃帝九子一曰帝鴻封冀二曰金天封荆三曰

挈封青四曰青陽封徐五曰顓頊封豫六曰高陽封雍

七日帝嚳封梁八曰帝辛封充九曰姬都封揚

以金天高陽高辛強分為七其妾殊不足辨

帝肇少昊氏

原註約案帝肇少昊氏母曰女節見星如虹鳳凰之瑞以鳥紀官或曰名清不居帝位帥鳥師居西方

周書曰黃帝執蚩尤殺之於中冀乃命少昊清司馬鳥

師以正五帝之官故名曰質天用大成至於今不亂漢

律歷志曰少昊帝考德曰清清者黃帝之子清陽也是

其子孫名摯立

河圖曰大星如虹下流華渚女節意感生白帝朱宣拾遺記曰母曰皇娥遊窮

桑有白帝子降乎水際與皇娥譙戲生少昊號曰窮桑氏亦曰桑丘氏以主西方一號金天氏亦曰金窮氏路史引休子曰少昊生於稚華之野其渚一旦為陵公羊疏曰依八代記少昊十二而冠土生金故

為金德天下號曰金天氏

世紀曰少昊帝名摯字青陽姬姓即圖識所謂白帝朱宣

者也其為元器降居江水有聖德邑於窮桑以登帝位都曲阜故或謂之窮桑古史考曰宗師太皞之道故曰少左傳郊子曰我高祖少皞摯之立也鳳鳥適至故紀

於鳥為鳥師而鳥名

拾遺記曰時有五鳳隨方之色集於帝庭因曰鳳鳥氏金鳴於山銀

湧於地田俅子曰赤燕一羽飛集少昊氏之戶遺其丹書尸子曰日五色下照窮桑鳳鳥氏歷正

也元鳥氏司分者也伯趙氏司至者也青鳥氏司啟者

也丹鳥氏司閉者也祝鳩氏司徒也鵙鳩氏司馬也鵙

鳩氏司空也爽鳩氏

始居齊地見左傳晏子語

司寇也鵙鳩氏司事

也五鳩鳩民者也五雉爲五工正利器用正度量與民
者也九屬爲九農正扈民無淫者也又蔡邕曰少昊氏
有四叔曰重曰該曰修曰熙實能金木及水使重爲句
芒該爲蓐收修及熙爲元冥左傳子產曰昔金天氏有
格臺駘臺駘能業其官宣汾洺洺障大澤以處大世不失
原帝用嘉之封諸汾川沈姒蓀黃實守其祀
職遂濟窮桑古史考曰少昊之樂曰九淵田俅子曰少
昊都於曲阜韃韃毛人獻其羽裘世紀曰在位百年而
崩外紀曰在位八
十四年壽百歲春秋命厯序曰少昊傳八世五百歲
尚書期運授曰白帝之治六十四世其亡也枉矢射參
山海經曰東海之外大壑少昊之國少昊孺帝顓頊於
此棄其琴瑟又曰少昊生倍伐倍伐處緡淵又曰少昊
生般般是始爲弓矢又曰有人一目當面中生一目是
威姓少昊左傳季文子曰少皞氏有不才子毀信廢忠
之子食黍崇飾惡言靖譖庸回服讒蒐慝以誣盛德天下之民謂

之窮奇服虔曰即共工

案少昊為西方國名其始清與黃帝同時佐命代蚩尤有國傳及帝摯適當軒轅之衰遂代為帝周書漢志略具其概周書之質即摯也至謂清即黃帝之子清陽史記無明文而世紀更合摯與清陽元器為一人尤屬牽合當缺其疑

帝顓頊高陽氏張晏曰少昊之前天下之號象其德顓頊以來天下之號因其名高陽高辛皆所興

之地名顓頊與摯皆以字為號上古質故也

原註母曰女樞世本曰顓頊母濁山氏之子名昌僕搜神記世紀作景僕蜀國春秋曰乾荒娶

蜀山女曰樞是為阿女見瑤光之星貫月如虹感已於

幽房之宮生顓頊於若水詩含神霧曰瑤光如蜺貫月正白感女樞生顓頊拾遺記

曰昌意出河濱遇黑龍負元玉圖時有一老叟謂昌意云生子必叶水德而王至十年顓頊生手有文如龍亦

有玉圖之象其夜呂意仰首戴干戈元命苞曰顓頊戴

移度蓋有聖德呂氏春秋曰顓頊師伯夷父人表作伯夷招搖

老彭海內經曰伯夷父又云師大欸錄國譜夫論云師

生先龍先龍是始生氏羌氏羌乞姓生十年而佐少昊

氏二十而登帝位帝世紀同鸞子曰顓頊年十五而佐黃

學黃帝之所以誨顓頊矣爰有大圖在上帝大矩在下

能法之為民父母史記曰黃帝崩其孫昌意之子高陽

立是為帝顓頊博物志曰黃帝登仙其臣左徹者創木

象黃帝帥諸侯以朝七年不還左徹乃立顓頊○案諸

說俱以顓頊親承黃帝中無少昊楚語曰少昊氏之衰

一代實與國語漢書不合見下

九黎亂德民神雜糅不可方物夫人作享家為巫史無

有要質民瀆齊盟無有嚴威禍災薦臻顓頊受之乃命

南正重司天以屬神火正黎司地以屬民使復舊常無

相侵瀆是謂絕地天通案據此是顓頊實承少昊且少

非一代史稱黃帝漢律歷志曰金生水故為水德天下

號曰高陽氏世紀曰姬姓

古史考曰高陽氏姬姓纂

皆云出風姓顓
帝之後說異

平九黎之亂以水事紀官

元年帝卽位居濮

世紀曰顓頊氏自窮桑徙商丘於周爲衛在禹貢冀州

之東北踰常山及兗州桑土之野營室東壁之分豕韋

之次故春秋傳曰衛顓頊之墟也謂之帝丘今東郡濮

陽是也

一統志曰大名府滑縣東北七十里土地理通
山村有帝丘城春秋時衛成公遷於此

釋曰顓頊都衛爲帝丘後徙高陽稱高陽氏

郡縣志曰高陽故城

在汴州雍丘縣西南二十九里高陽佐少昊有功受封

此邑一統志高陽城在開封府杞縣西二十九里是也

又保定府城東南七十里有高陽城周迴九里相傳顓
頊所築又有顓頊城在河間府任丘縣廢鄆州東北三

郡記云顓頊所造是始封時高陽在杞縣既
有天下亦有高陽在保定及任丘凡三也

十三年初作厯象

古史考曰顓帝以孟春正月爲元其時正朔立春五星會於天厯營室天曰作時地曰作昌人曰作樂萬物鳥獸莫不應和故顓帝聖人爲厯宗也

唐大衍厯曰洪範傳曰厯記始於顓

項上元太始闕蒙攝提格之歲卑晦之月朔日己巳立春七曜俱在營室五度是也素顓項厯元月起乙卯漢太初厯元起丁丑推而上之皆不直甲寅猶以日月五緯復得上元本星度故命曰闕蒙攝提格之歲而實非甲寅

漢藝文志顓項厯二十一卷

二十一年作承雲之樂

呂氏春秋曰帝顓項生自若水實處空桑乃登爲帝惟天之合正風乃行其音若熙熙漑漑鏘鏘帝顓項好其

音乃令飛龍作效八風之音命之曰承雲

樂緯曰顓項之樂曰五莖

世紀作五莖

以祭上帝乃令鱣先爲樂倡鱣乃偃寢以其尾

鼓其腹其音英英

拾遺記曰顓項居位有浮金之鐘沈明之磬以羽毛拂之則聲振百里及

朝萬國之時乃奏含音之樂其音清密落雲間之羽

三十年帝產伯鯀居天穆之陽山海經曰此天穆之野高二千仞郭注引竹書曰顓

項產伯鯀是維若陽居天穆之陽與今本異

帝繫曰顓頊產鯀皇甫謐曰鯀字熙鯀產文命是為禹漢律歷志引帝

繫曰顓頊五代而生鯀鯀生禹山海經曰黃帝生駱明駱明生白馬白馬是為鯀氏族源流曰顓頊妃鄒屠氏

生駱明駱明生伯鯀案以紀年計之是年伯鯀生至堯六十一一年命鯀治河又九年而鯀年幾二百矣漢志

所引帝繫之說當為近之左傳曰高陽氏有才子八人蒼舒璜檣檣大臨危降庭堅仲容叔達齊聖廣淵明

允篤誠天下之人謂之八愷顓頊○帝繫曰顓頊產窮蟬項氏有不才子謂之橋杌即鯀

史記同世本作窮係又曰顓頊娶於滕氏滕氏之子謂之女祿氏本作窮係

產老童老童娶於竭水氏世本作根水氏竭水氏之子謂之高

緇氏世本作驕福產重黎及吳回山海經曰顓頊生老童老童生重及黎帝

令重獻上天黎印下地是生噎處於西極以行日月星星之行次又曰顓頊生老童老童生祝融祝融生太子

七十八年帝陟

長琴是處搖山始作樂風史記曰高陽生稱解生卷章
有子曰黎為祝融並與此異○山海經曰有國名曰淑
土顓頊之子有國曰中輻顓頊之子食黍有叔歐國顓
頊之子食黍使四鳥虎豹熊羆有國曰顓頊生驩頭璣頭生苗
黍有季禺之國顓頊之子食黍顓頊之子生驩頭璣頭生苗
民麓姓食肉有人焉三面是顓頊之子三子死而為疫鬼一
之人不死搜神記曰昔顓頊氏有三子死而為疫鬼一
居江水為瘧鬼一居若水為魍魎鬼一居人宮室善
驚人小兒於是正歲命方相氏帥肆儺以驅疫鬼

嚮子曰帝之治天下也上緣黃帝之道而行之學黃帝
之道而常之史記曰靜淵以有謀疏通而知事養材以
任地載時以象天依鬼神以制義治氣以教化淮南子
顓頊之法婦人不避男子於路者拂之於四達之衢博物
志曰蒙雙民昔高陽氏有同產而為夫婦帝放之此野
相抱而死神鳥以不死草覆之七年潔誠以祭祀北至
男女皆活同頸四手是蒙雙民
於幽陵南至於交趾西至於流沙東至於蟠木動靜之

物小大之神日月所照莫不砥屬拾遺記曰顓頊居位

不稟正朔者越山航海而皆至也帝乃揖四方之靈

后執羽以禮百辟各有班序受文德者錫以鐘磬受武

德者錫以干戈真誥曰乘結元之筆周旋八外諸有洞

臺之山陰宮之上皆移安息之石封而鎮之鑄羽山之

翊為寶鼎各獻以一於洞山世紀曰在位七十八年年

神峯不獨句曲一山而已

九十八歲歲在鶉火而崩葬東郡頓丘廣陽里皇覽曰

在東郡濮陽頓丘城門外廣陽里中山海經曰漢水

出鯀魚之山帝顓頊葬於陽九殯葬於陰四蛇衛之史

記曰顓頊崩而元囂之孫高辛立是為帝命歷序曰

陽氏傳二十世三百五十一歲或云傳十世一云九世

術器作亂辛侯滅之

山海經曰炎帝之妻赤水之子聽訖生炎居炎居生節

並節並生戲器戲器生祝融祝融降處江水水生共工共

工生術器術器兌首方顓是復土壤以處江水共工生

后土左傳蔡墨曰共工氏后土生噎鳴噎鳴生歲十有

二吳在臣曰朱螢蛙子祝融共工上世俱有七人此祝融為炎帝裔黃帝之司徒也居江水世俱有七人此祝

術及勾龍術器共工號在顓頊時作亂帝命辛侯誅之以其弟勾龍為后土汲冢瑱語曰昔共工之碑曰

浮游既敗於顓頊自沒深淮之淵即術器之名術器以襲其父共

衡曰辛侯舊以為帥帝嘗術器一名術器以襲其父共

名共工又史記楚世曰重黎為帝嘗高辛居火正甚有

功能光融天下帝嘗命曰祝融左傳曰五行之官列受

神木正曰勾芒火正曰祝融金正曰蓐收水正曰元冥

土正曰后土世紀曰高辛以人事紀官勾芒為木正祝融為火正蓐收為金正元冥為水正后共工氏作亂帝

學使重黎誅之而不盡帝乃以庚寅日誅重黎而以其弟吳回為重黎後復居火正為祝融

帝嘗高辛氏

帝繫曰黃帝產元囂元囂產螭極人表作螭極產高辛

是為帝嚳

世紀曰姬姓古史考姓生而神靈自言其名世

名曰自言其

原註生而駢齒

元命苞曰帝嚳駢齒上法有

聖德

呂氏春秋曰帝嚳師伯招人表初封辛侯曰襄邑

有高辛城一統志曰高辛

代高陽氏王天下

嚳子日年

帝嚳項三十而治天下漢書曰春秋外傳曰嚳項之使

瞽人拊鞀鼓擊鐘磬鳳凰鼓翼而舞

通雅曰帝嚳平其

梠填麓世本曰辛公作填呂氏春秋曰帝嚳命咸黑作

為聲歌九招六列六英有僎作為擊鼓鐘磬吹管簫

因令鳳鳥天翟舞之帝嚳大喜乃以康帝德潛夫論曰

作樂六英世紀作六莖文心

離龍曰帝嚳之世成累為頌

元年帝即位居亳
闕駟曰亳本帝嚳之虛在禹貢豫州河洛之間括地志
曰亳邑故城在洛州西十四里

十六年帝使重帥師滅有鄒

帝繫曰顓頊產老童老童產重黎及吳回吳回氏產陸

終陸終娶於鬼方氏

世本曰陸終娶於鬼方氏之妹謂之女嬪

產六子孕而

不彌三年啟其左脅六人出焉

世本曰啟其左脅三人出焉

其一曰樊是為昆吾衛氏也其二曰惠連是為參胡

韓氏也其三曰錢

世本作錢鏐

是為彭祖彭氏也其四曰萊

言

世本作求言

是為云鄒人

史記作會人表作會乙

鄭氏也其五曰安

是為曹姓邾氏也其六曰季連是為芊姓楚氏也

案據此是

重與鄒皆顓頊之孫但高陽至重二代至鄒人五

曰昔有鄒君嗇儉滅爵損祿羣臣卑讓上下不臨後

小弱禁罰不行重氏伐之鄒君以亡

潛夫論曰會在河

嗇儉滅爵損祿君臣卑讓上下不臨詩人憂之故作羔裘閱其痛悼也會仲不悟重氏伐之上下不能相使遂

亡以

四十五年帝錫唐侯命

世本曰帝嚳卜其四妃之子皆有天下元妃有郤氏之

女曰姜嫄大戴禮作姜原氏生后稷次妃有娥氏之女曰簡狄

人表作簡過生契次妃陳鄴氏之女大戴禮作陳隆氏曰慶

都生帝堯次妃訾陳氏之女大戴禮作陳訾氏曰常儀

生帝摯山海經曰帝俊妻常羲生月十有二日羲和

二子伯曰閼伯季曰實沈居於曠林不相能也日尋干戈以相征討后帝不滅遷閼伯於商丘主辰商人是以

故辰為商星遷實沈於大夏主參唐人是因以服事夏商又曰高辛氏有才子八人伯奮仲堪叔獻季仲伯虎

仲熊叔豹季狸忠肅共懿宣慈惠和天下之民謂之八元

元山經曰帝俊有子八人是始為歌舞又曰帝俊生晏龍晏龍是始為琴瑟晏龍生司幽司幽生思士不妻

思女不夫食黍食獸是使四鳥有司幽之國拾遺記曰帝嚳之妃鄒屠氏之女也常夢吞日則生一子凡經八

力廣韻引前燕錄曰高辛氏游於海濱留少子厭越以
呂北夷邑於紫蒙之野號曰東胡元中記曰高辛時犬
戎爲亂帝曰有討之者妻以美女封三百戶帝之
訓浮之東海而殺犬戎以其首來帝以女妻之不可
生男爲狗女爲美人是爲犬封氏世紀曰堯年十五而

佐帝摯受封於唐爲諸侯中山唐縣是也

六十三年帝陟

唐類函引陶宏景云在位六十二年九十二

嚮子曰其治天下也上緣黃帝之道而明之學顓頊之

道而行之大戴禮曰博施利物不於其身聰以知遠明

以察微順天之義知民之急仁而威惠而信脩身而天

下服取地之財而節用之撫教萬民而利誨之厯日月

而迎送之

祭法曰帝嚳能序星辰以著衆

明鬼神而敬事之其色郁郁

其德嶷嶷其動也時其服也土春夏乘龍秋冬乘馬黃

黼黻衣執中而獲天下日月所照風雨所至莫不從順

世紀曰在位七十年與紀年百五歲而崩葬東郡頓丘

廣陽里皇覽曰帝嘗冢在東郡濮陽頓丘城南臺陰野中史記曰帝嘗崩而摯

代立摯世紀曰帝摯之母於四人中班最在下而帝摯立

不善崩年紀年註帝子摯立九年而廢世紀曰摯在位九

率羣臣造唐而致禪唐侯知有天命乃受帝禪而弟放

勛立是為帝堯封摯於高辛命歷序曰帝嘗傳十世四百歲

古史紀年卷二

閩中林春溥鑑塘纂

帝堯陶唐氏

世紀曰帝堯陶唐氏祁姓也母慶都孕十四月而生堯

於丹陵紀年注母曰慶都生於斗維之野常有黃雲覆

而至其文要曰赤受天祐着八彩鬚鬚尺餘長七尺二

小面銳上豐下足履翼宿既而陰風四合赤龍感之孕

狀如圖亦見宋符瑞志其名曰放勳鳥庭荷勝者有八

彩豐上銳下或從母姓伊氏索隱引皇甫謐曰堯初生

伊長孺之家故從年十五而佐帝摯受封於唐為諸侯

母所居為姓也路史注曰許叔重謂堯以楚伯身長十尺嘗夢天而上

受命滅不義於丹水楚今唐州之故二十而登帝位於唐夢攀天而上高辛氏衰天下

歸史記曰其仁如天其知如神就之如日望之如雲氏

春秋曰堯師子州支父人表云師尹壽荀子作君疇潘夫論云師務成

元年丙子隋書律歷志引竹書紀年堯元年景子路史後紀注引帝堯元年丙子並與今本同

案世紀堯以甲申歲生甲辰即帝位皇極經世書通鑑

前編並從之路史又謂堯以戊寅即位並未知所據紀

年作於周末出於西晉隋志所引與今本合考古者當

以近古之書為斷今悉從之案以前編較竹書堯元年丙子於前編為夏后相二

歲上推堯之甲辰前編實多竹書二百一十二年

帝即位

淮南子曰堯之時十日竝出焦禾稼殺草木而民無所

食猥猥鑿齒九嬰大風封豨修蛇皆為民害堯乃使羿

誅鑿齒於疇華之野殺九嬰於凶水之上繳大風於青

丘之澤上射十日而下殺猥猥斷修蛇於洞庭擒封豨

於桑林

海內經曰帝俊賜羿彤弓素以扶下國羿是始去恤下地之百艱呂氏春秋曰夷羿作弓

萬民皆喜置堯以為天子於是天下廣狹險易遠近始

有道里

居冀

夏書曰維彼陶唐有此冀方禹貢冀州孔傳曰堯所都

也世紀曰堯都平陽即古冀州

詩唐風譜曰唐帝堯舊都之地今曰太原晉陽

堯始居此後遷河東平陽括地志今晉州所治平陽故城是也臣瓚曰先居唐後居陶故號陶唐氏一統志曰保定府完縣西三十里有伊祁山本堯母所居

命羲和歷象

史記曰乃命羲和敬順昊天數法日月星辰敬授民時

論衡曰堯候四時之中命羲和察四星以占時氣書大傳曰主春者張昏中可以種穀主夏者火昏中可以種

黍穀主秋者虛昏中可以種麥主冬者昴昏中可以種斂蓋藏田獵斷伐當告乎天子而天子賦之民故天子

南面而視四方星之中知民之緩急則不分命義仲

居郁夷曰賜谷敬道日出便程東作日中星鳥以殷中

春其民析鳥獸字微之書大傳曰東方者何也動方也物

出也故曰申命義叔居南交便程南譌敬致日永星火

以正中夏其民因鳥獸希革也大傳曰南方者何也任方

謂之夏夏者假也吁荼萬物也申命和仲居西土曰昧谷

而養之外也故曰南方夏也申命和仲居西土曰昧谷

敬道日入便程西成大傳曰寅饒入日辨秩西成天子

不義決訟獄斷刑罰趨收夜中星虛以正中秋其民夷

易鳥獸毛毳始大傳曰西方者何也鮮方也鮮訊也訊者

愁者物方愁而入也申命和叔居北方曰幽都便在伏

物日短星昴大傳曰辯在朔易日短星昴朔始也天子

澤日儻以順天道以正中冬其民燠鳥獸氄毛北方者

以佐冬固藏也

何也伏方也萬物之方伏則何以歲三百六

謂之冬冬者中也中也者萬物方藏於中也

十六日以閏月正時信飭百官衆功皆興

釋多存古楚語曰三苗復九黎之德堯復育重黎之後

義故主之

不忘舊者使復興之以至於夏商

過絕苗民無世在下乃命重黎絕地天通因有降格揚

子法言曰義近重和近黎山海經曰義和方浴月于丹淵義

之間有義和之妻生十日郭注曰義和蓋天地始生主日

和者帝俊之妻生十日郭注曰義和蓋天地始生主日

月者也故啟筮曰空桑之蒼蒼八極之既張乃有大義

和是主日月職出入以爲晦明又曰瞻彼上天一明一

五年初巡狩四岳

周語曰堯臨民以五

路史引孔子曰舜臨民以十二

舜典五載

一巡狩羣后四朝傳曰各令朝於方岳之下凡四處故

曰四朝堯舜同道舜攝則然堯又可知淮南子曰堯身

服節儉之行茅茨不翦采椽不斷大路不畫越席不緣大羹不和粢食不穀巡狩行教勤勞天下周流五嶽豈其奉養不足樂哉舉天下而以爲社稷非有利焉

七年有麟

拾遺記曰堯在位有鸞鳥歲歲來集麒麟遊於鼓澤梟鵩逃於絕漠

十二年初治兵

呂氏春秋曰堯戰於丹水之浦以服南蠻莊子曰昔者

堯攻叢枝胥敖

又云堯欲伐宗膾胥敖

國爲虛厲身爲刑戮鵩冠

子曰堯伐有唐六韜曰堯伐有扈說苑曰當堯之時契爲司馬管子曰堯舜之王所以化海內者北用禺氏之玉南貴江漢之珠其勝禽獸之仇以大夫隨之令諸侯

之子將委質者皆以雙武之皮卿大夫豹飾列大夫豹
嶠大夫散其邑粟與其財物以市虎豹之皮故山林之
人刺其猛獸若從親戚之仇此君冤服於朝而猛獸勝
於外大夫已散其財物萬人得受其流此堯舜之數也
十六年渠搜氏來賓

史記曰能明馴德

呂氏春秋曰堯見善總北面而問焉世紀曰堯以尹壽許由為師呂氏春

秋曰堯有敢諫之鼓管子曰堯有衡室之問者下聽於人也古今注曰堯設誹謗之木文選註曰進善之旌意立之五達之道誹謗之木堯作以親九族九族既睦使之橋梁板所以書政治之愆失章百姓百姓昭明孔安國曰百姓百官合和萬國新書曰堯教化及雕題蜀越撫交趾身涉流沙地封獨山西見王母訓及大夏渠搜北中幽都及狗國與人身鳥面及焦僂好賢而隱不還而彊於行而蓄於志率以仁而恕至此而

已矣

十九年命共工治河

堯典帝曰疇咨若予采驩兜曰都共工方鳩僝功帝曰

吁靜言庸違象恭滔天

鄭氏曰共工水官名○案滔天之上當有缺文即國語所謂墮

高堙庫以害天下也見下

史記曰驩兜進言共工堯曰不可而試之

工師共工果淫辟

二十九年春焦僈氏來朝貢沒羽

海外南經曰周饒國其為人短小冠帶一曰焦僈國在

三首東大荒南經曰有小人名曰焦僈之國幾姓嘉穀

是食

世紀曰舜時焦僈氏來貢沒羽與此異述異記曰陶唐之世越裳國獻千歲神龜方三尺餘背上有

文科斗書記開闢以來

四十二年景星見于翼

尚書中候作景星出翼軫

晉天文志曰瑞星曰景星或曰德星大而中空孫氏
瑞應圖曰景星天曜也狀如半月生於晦朔助月爲明
王者不私人則見星傳曰翼二十二星二十度秒在太
微垣南禮稽命徵曰出號施令叶民心制禮作樂得大
意則景星見

五十年帝遊于首山乘素車元駒

左傳宣子田於首山杜
註首山在河東蒲坂縣

東南地理志蒲
坂有堯山卽此

史記曰富而不驕貴而不舒黃收純衣彤車乘白馬列
子曰堯治天下五十年不知天下治歟不治歟不知億
兆之願戴已歟不願戴已歟顧問左右左右不知問外
朝外朝不知問在野在野不知堯乃微服游於康衢聞
童兒謠曰立我蒸民莫匪爾極不識不知順帝之則堯

喜問曰誰教爾為此言兒童曰我聞之大夫曰大夫大

夫曰古詩也高士傳曰帝堯之世天下太和百姓無事

哉堯之德也壤父曰吾日出而作日入而息鑿井而飲耕田而食帝何德於我哉莊子曰堯觀

乎華華封人曰嘻聖人請祝聖人使聖人壽堯曰辭使

聖人富堯曰辭使聖人多男子堯曰辭封人曰壽富多

男子人之所欲也汝獨不欲何耶堯曰多男子則多懼

富則多事壽則多辱是三者非所以養德也故辭封人

曰始也我以汝爲聖人耶今然君子也天生萬民必授

之職多男子而授之職則何懼之有富而使人分之則

何事之有夫聖人鵜居而穀食鳥行而無彰天下有道

則與物皆昌天下無道則修德就閑千歲厭世去而上

僊乘彼白雲至於帝鄉三患莫至身常無殃則何辱之

論語集注考證

帝期二曰河圖將來告帝圖五曰河圖將來告帝符有頤赤龍
等游於首山觀河渚有五老游河渚一曰河圖將來告
曰河圖將來告帝圖五曰河圖將來告帝符有頤赤龍
街國五老乃爲流星上入昴黃姑視之龍沒圖在堯等
共發曰帝當極
百則禪於虞

1. *Journal of the American Medical Association*, 1997; 277: 103-107.

尙書中候曰堯率羣臣東沈璧於洛退俟至於下稷赤
光起元龜負書出赤文成字止壇又沈璧於河黑龍出
赤文題又曰修壇河洛仲月辛日昧明禮備榮光出河
休氣四塞龍馬銜甲赤文綠字臨壇上文有列星之分
斗政之度帝王紀錄興亡之數呂氏春秋曰帝堯立乃
命質爲樂質乃效山林
谿谷之音以歌乃以麋
鹿置缶而鼓之乃拊石
擊石以象上帝玉磬之
音以致舞百獸瞽叟乃
拌五弦之瑟作
以爲十五弦之瑟命
之曰大章以祭上帝

五十八年帝使后稷放帝子朱于丹水

郭璞海內南經注引此文無子字史

正義引作帝子丹朱

帝繫曰帝堯娶散宜氏之子謂之女皇氏世紀曰女皇

生丹朱又有庶子九人皆不肖

博物志曰堯作圓棋以教丹朱堯典帝

曰疇咨若時登庸放齊曰胤子朱啟明帝曰吁嚚訟可

乎益稷篇曰丹朱傲惟慢遊是好傲虐是作罔晝夜維

維罔水行舟漢志曰陶唐氏使子朱處於丹淵為諸侯

括地志曰丹朱故城在鄧州內鄉縣西南百三十里荊州記曰丹水縣在丹州堯子朱之所封也史記

曰后稷名棄其母有邰氏女曰姜原出野見巨人蹟年紀

注助祭郊禩見大人迹

心欣然說欲踐之踐之而身動如孕者居

期年而生子以為不祥棄之隘巷馬牛過者皆辟不踐

徙置之林中適會山林多人遷之而棄渠中冰上飛鳥

以其翼覆薦之姜原以為神遂收養長之初欲棄之因

名曰棄棄為兒時屹如巨人之志其遊戲好種樹麻菽

麻菽美及為成人遂好耕農元命苞曰稷岐順自求食謂好農藺象角元載土食

穀相地之宜宜穀者稼穡焉民皆法則之帝堯聞之舉

棄為農師天下得其利有功吳越春秋曰棄為兒時好種樹禾黍桑麻五穀相五

土之宜青赤黃黑陵水高下染稷黍禾黍桑麻五穀相五

其理堯遭洪水人民泛濫逐高而居堯聘棄使教民山

居隨時造區妍營樹之術三年餘行人無飢乏之色乃

拜棄為農師封之台新語曰民知居室食穀而未知力

殖穀以是用養民種桑麻致絲枲以藏形體賈公彥曰堯

天官為稷陳逢衡曰使戶稷放者監

之就國如後世傳諸王出封之類

六十年放驩

據莊子釋文增

山海經曰顓頊生驩頭驩頭生苗民董姓食肉

大荒南經曰

妻土敬土敬子曰炎融生驩頭有驩頭之國案山經以餘驩頭苗民為一族且時世先後不一此類難以憑

信博物志曰驩兜國其民盡似仙人帝堯司徒驩兜民

常捕海島中韓非子曰驩兜氏有孤男亡國之臣也

史路曰驩兜以孤功輔穆亡其國○案國策荀子淮南子皆言堯伐驩兜說並見下

六十一年命崇伯鯀治河

堯典帝曰咨四岳

傳曰即羲和之四子分掌四岳之諸侯左傳許太岳之後也杜註太岳神

農之後堯四岳也陳逢衡曰當時必有一人統四岳之長如堯典舜典所謂咨四岳是也四岳為四方諸侯之長各就本國而有朝者又為四岳之長別稱太岳其嘗居此職者為神農之裔也

湯湯洪水方割蕩蕩懷山襄陵浩浩滔天下民其咨有能俾乂兪曰

於鯀哉帝曰吁咈哉方命圯族岳曰昇哉試可乃已帝

曰往欽哉九載績用弗成

世紀曰鯀封崇伯國在秦晉之間連山易曰帝為洛水之

患訪於四岳乃以命鯀鯀筮之於歸藏得其大明曰不吉有初亡後世本曰鯀作城路史注曰相之安陽有鯀隄崇築以捍孟門今謂三仞城又惡高東三十五又清河西三十自宗城界來而澶之臨河西十五縣隄自黎

陽界入堯命條治水築之以障故無功又擅懷清軍城
東南五十有堯隄通飛狐界古長城卽堯遣洪水命條
築之

六十四年流共工

據莊子
釋文增

周語太子晉曰古之長民者不墮山不崇藪不防川不
竇澤昔共工棄此道也虞於湛樂淫失其身欲壅防百
川墮高堙庠以害天下皇天弗福庶民弗助禍亂並興
共工用滅周書曰昔有共工氏自賢自以無臣久空大
官下官交亂民無所附唐氏伐之共工以亡

六十六年竄三苗

據莊子
釋文增

呂刑曰苗民弗用靈制以刑惟作五虐之刑曰法殺戮
無辜爰始淫爲劓刵桷黥越茲麗刑並制罔差有辭民
興胥漸泯泯焚焚罔中于信以覆詛盟虐威庶戮方告

無辜于上皇帝哀矜庶戮之不幸報虐以威遏絕苗民

無世在下乃命重黎絕地天通罔有降格

正義曰此在堯初興時至

堯末年則又有

三苗之事世紀曰諸侯有苗氏處南蠻而不服堯

征而克之於丹水之浦

六十九年黜崇伯鯀

洪範曰鯀陞洪水汨陳其五行帝乃震怒不畀洪範九

疇彝倫攸斁山海經曰洪水滔天鯀竊帝之息壤以堙

洪水不待帝命帝令祝融殺鯀於羽郊周語曰其在有

虞有咎伯鯀播其淫心稱遂共工之過堯用殛之於羽

山

寰宇記曰蓬萊縣東十五里卽殛鯀處

晉語子產曰昔者鯀違命帝命

殛之於羽山化爲黃能以入於羽淵實爲夏郊三代舉

之楚辭注曰堯長放鯀於羽山絕在不毛之地三年不

舍其罪

拾遺記曰堯命夏鯀治水九載無績鯀自沈於

時以致祭祀常見元魚與蛟龍踴躍而出至舜命禹疏川與岳岳行通日月之墟惟不踐羽山之地○案諸書或言殺或言殛皆舉舜後事也唯楚詞注言放與紀年書黜相表裏殆先黜而後殛歟

案四凶之誅舜典統敘於攝位之末左傳史克以爲

在賓四門時皆堯得舜後事也惟莊子釋文與紀年

謂在堯七十載以前皆確有其年當有所據羅長源

嘗云十六族之舉非一載也固有堯舉之者矣四凶

之去亦非一載也固有堯去之者矣諒哉斯言今玩

釋文紀年只曰放曰流曰竄曰黜而不言何地意在

堯不過黜斥之勿使在位而已至舜攝位愈怙惡不

悛乃始投之四裔觀唐虞之際所以治三苗者非一

次則其他可知也

七十年春正月帝使四岳錫虞舜命原註帝在位七十年

朱草生嘉禾秀甘露醴泉出日月如合璧五星如連珠廚中自生肉其薄如筵搖動則風生食物寒而不臭

名曰筵脯又有草夾階而生月朔始生一莢月半而生十五莢十六日以後日落一莢及晦而盡月小則一莢

焦而不落各曰莢英一日歷英○以上亦見宋符瑞志並與尚書中候述異記相出入又博物志云堯時有屈

佚草生於庭候人人朝則屈而指之一名指候草

史記堯曰咨四嶽朕在位七十載汝能庸命踐朕位嶽

應曰鄙德忝帝位莊子曰堯讓天下於許由曰日月出

時雨降矣而猶浸灌其於澤也不亦勞乎夫子立而天

下治而我猶尸之吾自視缺然請致天下許由曰子治

天下天下既已治也而我猶代子吾將為名乎名者實

之賓也吾將為賓乎鵠巢於深林不過一枝偃鼠飲

河不過滿腹歸休乎君子無所用天下為庖人雖不治

也尸視不越樽俎而代之矣案左傳許為太岳之後杜

註云堯四岳則許由或卽四岳之名莊子亦不盡寓言

也然莊子又云許由不受讓於子州支父苻子又云堯

以天下讓巢父高士傳則謂許由字武仲堯讓不受遙

耕於箕山之下堯又召為九州長由不欲聞之洗耳於

頤水時其友巢父牽犢欲飲之恐汙犢
口因牽犢上流飲之則愈多增設矣
堯曰悉舉貴戚

及疏遠隱匿者衆皆言於堯曰有矜在下曰虞舜

項產窮蟬窮蟬產敬康敬康產句芒句芒產竈牛竈牛

產瞽瞍瞽瞍產重華是爲帝舜舜及產象傲史記句芒作

句望蟬牛作橋牛云自從窮蟬以至帝舜皆傲爲庶人

呂梁碑云舜祖虞幕幕生窮蟬窮蟬生敬康敬康生喬

牛喬生瞽瞍瞽瞍生舜中無句望一世魯語曰幕能

帥顯項者也有虞氏報焉鄭語曰虞幕能聽協風以成

樂物生者也左傳曰自幕至於瞽瞍無違命舜重之以

明德宋符瑞志曰母曰握登見大虹意感而生舜於姚

墟目重瞳子故名重華龍顏大口舜身長六尺一寸

荀子曰堯舜參牟子孔叢子曰舜身長八尺有奇堯

曰然朕聞之其何如嶽曰盲者子父頑母嚚弟傲史記

父瞽叟盲而舜母死瞽叟更娶妻而生象象傲瞽叟愛

後妻子常欲殺舜舜避逃及有小過則受罪順事父及

後母與弟日以能和以孝蒸蒸治不至姦適不失子道

篤謹匪有懈兄弟孝慈欲殺不可得卽求嘗在側年二十以孝聞走

絕書曰舜父頑母嚚兄狂弟傲舜求爲變心易名曰舜

欲殺舜未嘗可得呼而使之未嘗不在側戶子以舜事

親養兄爲天下法其游也得六人曰雄陶方田續牙伯

陽東不識秦不空皆一國之賢者也○或作東不皆秦

不虛又有靈甫曰七人潛夫論曰舜師紀后荀子曰學

於務成昭新序作務成跼論語識曰師尹壽昌氏春

秋曰舜師許由抱朴子曰有虞至孝三足鳥集於庭堯

曰吾其試哉又曰舜冀州之人也耕歷山歷山之人皆

讓畔越絕書曰母常殺舜去耕歷山三年大熱身自外

子日舜常夢擊天鼓文心雕龍曰舜之祠田云荷此長

和耕彼南畝四海俱有利民之志呂氏春秋曰舜之木

遇也以其徒屬掘地財取水利編蒲葦結漁雷澤雷澤

眾網手足聯眠不居然後免於凍餒之患漁雷澤雷澤

之人皆讓居魯連子曰舜耕於歷山而文益陶河濱而

穀令民皆知去陶河濱河濱器皆不苦窳戶子曰舜廉

巖穴各有家室陶河濱河濱器皆不苦窳愛百姓務利

天下其田厯山也荷波耒耜耕衛南畝與四海俱有其

利其漁雷澤也旱則為耕者鑿漬儉則為獵者表虎灰

於常羊什器於壽丘就時負夏未嘗暫息頓丘買貴於

是販於頓丘傳虛賤賤於是債於傅虛以均救之墨子

日灰於常陽公孫尼子曰舜牧牛於潢陽真源賦一年

日舜糴於平陽中父認之乃舐其目日以光明一年

而所居成聚二年成邑三年成都尸子曰舜一徙成邑

再徙成都三徙成國堯聞其賢徵之草茅之中墨子曰堯得之

服澤之陽立以為天子與之語禮樂而不逆與之語政

至簡而行荀子堯問於舜曰我欲致天下為之奈何對

來執一如天地行微如日月忠信盛於與之語道廣大

而不窮尸子堯問於舜曰何事曰事天何任曰任地何

婦人此吾所以用已舜曰美則美矣死者嘉孺子而哀

矣荀子曰堯問於舜曰人情何如對曰人情甚不美又

何問焉妻子具而孝衰於親嗜欲得而信於是妻之以

衰於友爵祿盈而忠衰於君人之情乎於是妻之以

媼媵之以娥九子事之而託天下焉新論曰堯之知

七十年帝命二女嬪于舜堯五世至舜九世則二女於

舜為曾祖妣恐無此理路史據呂梁碑謂舜祖虞幕不

祖黃帝然國語稱幕能帥顓頊左傳稱陳顓頊之族金

仁山疑顓頊未必黃帝之孫未免臆斷馬驥謂前代之

世次必多遺脫引命歷序黃帝傳十世少昊八世顓頊

二十世帝魯十世為解故堯舜雖同出帝因已曠代
疏絕猶魯之與宋秦之與趙亦何嫌於二女之慎哉
此說最善至潛夫論謂堯為神農之後舜為黃帝之後
本不同祖麗仙天運紹統謂女者女人之通稱恐非堯
之女擇人之女而妻之也存參

史記曰舜三十而帝堯問可用者四嶽咸薦舜曰可於

是堯乃以二女妻舜以觀其內九男與處以觀其外呂

春秋曰堯傳天下於舜禮之諸侯妻以二女臣以十子
身請北面朝之淮南子曰堯妻以二女以觀其內任以

百官以觀其外乃屬以九子贈以昭華之玉舜居媯汭

世紀曰堯以二女妻舜為榮宮室封之於虞舜居媯汭

陳世家曰居於媯汭其後因姓媯氏水經河水注曰那

南有厯山謂之厯觀舜所耕處也有舜井媯汭二水出

焉南曰媯水北曰汭水尚書內行彌謹堯二女不敢以

貴驕事舜親戚甚有婦道帝繫曰帝舜娶於帝堯之子
二妃帝堯二女也長娥皇次女英二女承事舜於畝畝
之中不以天子之女故而驕盈怠嫚猶謙恭儉思盡
婦道尸子曰有虞氏堯九男皆益篤子十八莊子曰堯
身有南畝妻有桑田

殺長子考監明堯乃賜舜絺衣與琴為築倉廩予牛羊瞽叟尚

復欲殺之使舜上塗廩瞽叟從下縱火焚廩舜乃以兩

笠自扞而下去得不死後瞽叟又使舜穿井舜穿井為

匿空旁出舜既入深瞽叟與象共下土實井舜從匿空

出去宋符瑞志曰舜父妣憎舜使其塗廩自下焚之舜

龍工衣自旁而出列女傳曰瞽叟與象既不能殺舜

叟又速舜飲酒醉將殺之二女乃與舜藥浴注迷往舜

終日飲酒不醉舜之女弟繫構之與二瞽叟象喜以舜

嫂諸人表有戮手舜妹說文作戮首為已死象曰本謀者象象與其父母分於是曰舜妻堯

二女與琴象取之牛羊倉廩予父母象乃止舜宮居鼓

其琴舜往見之象鄂不懌曰我思舜正鬱陶舜曰然爾

其庶矣舜復事瞽叟愛弟彌謹按論衡謂舜完廩浚井

七十三年春正月舜受終于文祖世紀曰堯以甲午徵舜

史記曰堯乃使舜慎和五典鄭元曰蓋試五典能從乃

徧入百官百官時序賓於四門四門穆穆諸侯遠方賓

客皆敬昔高陽氏有才子八人世得其利謂之八愷左傳

曰倉舒履體禱歲大臨高辛氏有才子八人世謂之八

元左傳曰伯奮仲堪叔獻季此十六族者世濟其美不

隕其名至於堯堯未能舉舜舉八愷使主后土索隱曰

空主土則禹以揆百事莫不時序舉八元使布五教於

四方索隱曰契為司徒敷五父義母慈兄友弟恭子孝

內平外成昔帝鴻氏有不才子掩義隱賊好行凶惡天

下謂之渾沌正義曰少皞氏有不才子毀信惡忠崇飾

惡言天下謂之窮奇服虔曰顓頊氏有不才子不可教

訓不知話言天下謂之檮杌賈逵曰此三族世憂之至

於堯堯未能去縉雲氏有不才子賈逵曰縉雲氏姜姓

貪於飲食冒於貨賄天下謂之饕餮正義曰三苗天下惡之

比之三凶舜賓於四門乃流四凶族遷於四裔以御魑

魅史記曰舜歸而言於帝請流共工於幽陵以變北狄

殛鯀於羽山以變南蠻遷三苗於三危左傳魯桓伯

也韓非子曰堯欲傳天下於舜舜曰不祥哉孰以天下

誅共工於幽州之都於是天下莫敢言博物志曰堯以

三苗國於是四門闢言毋凶人也堯使舜入山林川澤

暴風雷雨舜行不迷論衡曰使入大麓之野虎狼不搏

大錄萬機之政堯以為聖召舜曰女謀事至而言可績

三年矣女登帝位史記曰堯知子丹朱之不肖不足授

天下授舜則天下得其利而丹朱病

撥丹朱則天下病而丹朱得其利堯曰終不以天下之
病而利一人而卒授舜以天下又曰舜得舉用事二十
年而堯使攝政○案此與舜讓于德不惲索隱曰古文
書三載汝陟帝位不合舜讓于德不惲作不惲曰古文
作不惲王根曰讓德弗隔之下無再命之辭論
語堯曰咨爾舜二十四字乃二典之脫文也正月上
日舜受終于文祖文祖者堯大祖也於是帝堯老命舜
攝行天子之政以觀天命舜乃在璿璣玉衡以齊七政
遂類于上帝禋于六宗望于山川辯于羣神揖五瑞擇
吉月日見四嶽諸牧班瑞

七十四年虞舜初巡狩四岳

史記曰堯使舜攝行天子政巡狩歲二月東巡狩至于
岱宗柴望秩于山川遂見東方君長合時月正日同律
度量衡修五禮五玉三帛二生一死爲摯如五器卒乃
復五月南巡狩八月西巡狩十一月北巡狩皆如初歸

至于祖禰廟用特牛禮

文中子曰舜一歲而巡四岳兵衛少而徵求寡也

五歲

一巡狩羣后四朝徧告以言明試以功車服以庸

書曰

古者諸侯之於天子也三年一貢士大國舉三人次國

舉二人小國舉一人一適謂之攸好德再適謂之賢賢

三適謂之有功有功者天子一賜以車服弓矢再賜以

幣恩三賜以虎賁百人號曰命諸侯得專征有不貢士

謂之不率正者天子紕之一不適謂之過再不適謂之

放三不適謂之誣誣者則紕之一不適謂之過再不適謂之

以地三紕而書大傳曰維元祀下路史序此於受終之巡

爵地畢也狩四嶽八伯壇四奧沈四海封十有二山兆十有二州

濬川樂正定樂名元祀代泰山貢兩伯之樂焉陽伯之

樂舞侏離其歌聲比余謠名曰哲陽儀伯之樂舞翬哉

其歌聲比大謠名之曰南陽中祀大交霍山貢兩伯之

樂焉夏伯之樂舞護或其歌聲比中謠名曰初慮義伯

之樂舞將陽其歌聲比大謠名曰朱于秋祀柳穀華山

貢兩伯之樂焉秋伯之樂舞蔡邕其歌聲比小謠名曰
苓落和伯之樂舞元鶴其歌聲比中謠名曰歸來幽都
宏山祀貢兩伯之樂焉宏卽恆也冬伯之樂舞齊落曰縵縵
并論八音四會歸假于禰祖用特五載一巡狩羣后德
讓貢正聲而九族具成雖禽獸之聲猶悉關於律樂者
人性之所自有也故聖王巡十有二州觀其風俗習其
性情因論十有二俗定以六律五聲八音七始著其素
族以爲八此八伯之事也分定於五此五嶽之事也五
聲天音也八音天化也七始天統也

七十五年司空禹治河

帝繫曰鯀娶於有莘氏有莘氏之子謂之女志氏產文

命

吳越春秋曰鯀娶於有莘氏之女名曰女嬃年壯未
華戲於砥山得薏苡而吞之意若爲人所感因而妊

孕剖脅而產高密密家於西羌地曰石紐石紐在蜀四川也註曰茂州石泉縣有禹廟郡人相傳禹以六月六日生世紀曰伯禹夏后氏姒姓也父鯀妻修已見流星貫昴夢葢意感又吞神珠薏苡胷折而生禹於石劬虎身大口兩耳參漏首戴鈎鈐胷有王斗足文履已故名文命字高密身長九尺二寸朱符瑞志作背剖而生長九尺九寸隨巢子史記曰禹為人敏給克勤其德不違其日產於崑石

仁可親其言可信聲為律身為度稱以出聲聲穆穆為

綱為紀

呂氏春秋曰禹師大成贊新序作執潛夫論云師墨如荀子云學於西王國論語識作國先生

路史作舜巡狩行視鯀之治水無狀乃殛鯀於羽山以西王埋

死

寰宇記曰羽山名德父山山南百步水常清牛羊不敢飲曰羽淵

天下皆以舜之誅

為是於是舜舉鯀子禹而使續鯀之業

易林曰舜升大禹石夷之野微

諸王庭拜治水土世紀曰禹其父既放降在匹庶有聖德夢自洗於河而四嶽師舉之舜進之堯堯命以為司

空繼鯀治水河圖據拒起曰帝命伯禹曰告汝九

遂與益后稷奉帝命

史記曰帝顓頊之苗裔孫曰禹乃女修織元鳥墮卵女修吞之生子

六業大業取少典氏之子曰女華女華生大費與焉平

水土水經洛水注載晉永平元年九山百蟲將軍顯靈

碑云將軍姓伊氏諱益字贗數帝高陽之第二子伯益

也國語史伯云贏伯翳之後韋注云少皞之後伯益秦

詩譜云伯翳實卑陶之子列女傳曰皋子生命諸侯百

五歲而佐禹曹大家注云皋陶之子伯益也

姓興人徒以傅土行山表木定高山大川禹傷先人父

鯀功之不成受誅乃勞身焦思居外十三年過家門不

敢入虞書禹曰娶于塗山辛壬癸甲啟呱呱而泣予弗

沂河盡濟甄淮乃勞心焦思以行七年聞樂不聽過門

不入冠挂不顧履遺不躡尸子曰十年不闕其家手不

爪脰南子曰禹為水以身解於陽昞之河禹薄衣食致

孝於鬼神卑宮室世本曰禹致費於溝洫陸行乘車水

行乘船古今注曰伺風泥行乘橈山行乘樁河渠書作

山行山行即橋溝漁志引夏書作山行作楫說文引虞書作

山行山行乘橈澤行乘輶書孔傳作泥乘輶山乘橈書疏引

以山行乘橈澤行乘輶泥行乘輶書孔傳作泥乘輶山乘橈書疏引

標文子云沙用駐泥用梳左準繩右規矩載四時以開

九州通九道陂九澤度九山然河菑衍溢害中國也尤

甚大月子曰古者龍門未開呂梁未鑿河出於孟門之上

梁子曰舜之時共工振滔洪水以薄空桑龍門未開呂唯

是為務故道河自積石厯龍門南到華陰東下砥柱及

孟津雒汭至于大邳於是禹以為河所從來者高水湍

悍難以行平地數為敗乃厥二渠以引其河漢書音義

其一則渠川北載之高地過降水至于大陸播為九

河同為逆河入于勃海九川既疏九澤既灑治天下禹

為西河漁寶以池渠孫皇之水北為防原源注后之

之民東為澗之陸防蓋諸之澤灑為九澮以捷東土之

水以利冀州之民南為江漢淮汝東流之注五湖之處

民先期楚越與南東之民淮南子曰禹身執慕垂以為

民先期河而道九坡靈江而通九路辟五湖而定東海

當此之時燒不暇潰不給於死陵者非澤故節財薄葬簡服生焉新語曰決江疏河通之四潰致之於海大小相引高下相受百川順流各歸其所然後人民得去高險處平土

稻可種卑溼種黑黍於藎蒲之地盡為良田命后稷

子衆難得之食食少調有餘相給以均諸侯五年管子曰禹

以歷山之金鑄幣而贖民之無檀賣子者淮南子曰禹

沐浴霍雨構扶風決江疏河鑿龍門開伊闕修彭蠡之

防平治水土禹乃行相地宜所有以貢及山川之便利

吳越春秋曰遂巡行四瀆與益葵謀行到名山大澤

召其神而問之山川脈理金玉所有鳥獸昆蟲之類及

八方之民俗殊國異域土地里數使益疏而記之故名

之曰山海經使大章步東西豎亥度南北錫八極之廣

旋天地之數於是周行寓內東造絕述西延積石南踰

赤岸北通寒谷徧崑崙察六邑脈地埋名金石寫疏沙

於西隅決弱水於北漢青泉赤淵分入洞穴通江東流

至於碣石疏九河於潛淵開五水於東北鑿龍門闢伊

闕平易相土觀地分州殊方各進有所納貢民去崎嶇

歸於中國呂氏春秋曰禹東至搏木之地日出九津奇

羌之野攢樹之所播天之山鳥谷青丘之鄉黑齒之國

南至交趾孫綽補之國丹粟漆樹沸水漂漂九陽之國

山嶺人裸民之處不死之鄉西至三危之國巫山之下
飲露吸氣之山積金之山共肱一臂三面之鄉北至人
正之國夏海之山窮衛山之山犬戎之國夸父之野
之所積石之山不有解墮憂其黔首顏色黎黑竅藏不
適步不相過以求賢人欲盡地利至勞也得陶化益真
宛橫革之交五人住禹故功績銘乎金石著於盤盂又
曰禹入保國裸八衣出因也河圖括地象曰禹所治四
海內地東西二萬八千里南北二萬六千里有君長之
州川有九阻中土之文德及而不治山海經曰帝命豎
亥步自東極至於西極五億十選九千八百步一日禹
令豎亥一日五億
十萬九千八百步

七十九年司空伐曹魏之戎克之

呂氏春秋曰禹攻曹魏屈驚有扈以行其教

案陸終第
五子曰安

是為曹姓見大戴禮又廣韻云魏州名夏觀屈之國蓋
魏與扈其初本為戎有及禹滅之後乃以封其支庶耳

八十六年司空入覲費用元圭

史記夏本紀河渠書溝洫
志皆云禹在外十二年與

此合

史記曰九州攸同四奧既居九山棐旅九川滌原九澤

既陂四海會同六府甚修衆土交正致慎財賦咸則三
壤成賦中國賜土姓祇台德先不距朕行令天子之國
以外五百里甸服百里賦納總二百里納銍三百里納
秸服四百里粟五百里米甸服外五百里侯服百里采
二百里任國三百里諸侯侯服外五百里綏服三百里
揆文教二百里奮武衛綏服外五百里要服三百里夷
二百里蔡要服外五百里荒服三百里蠻二百里流

傳曰夏成五服外薄四海東海魚須魚目南海魚革珠璣
大貝西海魚骨魚幹魚鱗北海魚鮓魚石出瑱瑱閭河
鮐江鱣大龜五湖元唐鉅野濩鍾定廩濟中唐諸東漸
孟諸靈龜隆谷元玉大都鯉魚魚刀咸會於中國東漸
于海西被于流沙朔南暨聲教訖于四海於是帝錫禹
元圭以告成功於天下天下於是太平治
尚書璣璣
曰元圭出
日延喜之玉注曰禹功既成天佩以元圭也道甲開山
圖曰禹開宛委山得赤珪如日碧珪如月長一片二寸

宋符瑞志曰元圭水泉流通四海會同則出世紀曰禹治水畢天賜元圭西戎渠搜國服禹之德獻其珍美上泚記曰禹治洪水既畢乃乘蹕車度弱水而到鍾山淵上帝於北阿歸大功於九天呂氏春秋曰禹之與江水也民聚瓦礫事已成又曰帝錫元圭禹受曰非予能成功已立為萬世利亦大費為輔帝舜曰咨爾費贊禹功其賜爾阜游爾後嗣將大出乃妻之姚姓之玉女大費拜受佐舜調馴鳥獸鳥獸多馴服是為柏翳舜賜姓嬴氏周語太子晉曰密伯將通其工之遇堯用舜之于羽山其後伯禹念前之非度釐改制量共之從孫四岳佐之疏川道滯帥象禹之功乃脩其能為禹股肱心膂以養物豐民人有呂謂

八十七年初建十有二

州博物志曰堯別九州舜為十二

虞書曰肇十有二州封十有二山濬川

孔傳禹治水之後舜分冀州為

幽州并州分青州為營州始置十二州陸氏釋文曰十地廣始分衛水西北為并州燕以又禹曰弼成五服至北為幽州青州東北跨海為營州

于五千州十有二師外薄四海咸建五長各迪有功

史路

曰謀牧立岳以廣聽而燭隱東岳寓於兗牧青徐屬焉南岳寓於荆牧揚豫屬焉西岳寓於雍牧梁營屬焉北岳寓於幽牧并冀屬焉書大傳曰古之處師八家而為鄰三鄰而

為朋三朋而為里五里而為邑十邑而為都十都而為師州十有二師焉家不盈三口者不朋由命士以上不朋

八十九年作遊宮于陶

漢地志曰濟陰定陶詩風曹國也昔堯作遊成陽舜漁

雷澤故其民猶有先王之遺風

如淳曰成陽在定陶師古曰作遊音為宮室

遊止之處水經注淮水又東南左合陶水東出堯山山盤紆

數百里赭巖迭起冠以青林與雲霞亂采山上有白石

英山下有平陵有大堂基者舊云堯行宮所

九十年帝遊居于陶

說文云陶再成土也在濟陰有堯城堯嘗所居故堯號陶唐氏

淮南子曰所以樂為人主者以其窮耳目之欲而適躬

體之便也而堯樸桷不斷素題不枿

枿子堯曰余坐華殿之上森然而松

生於陳余立樸扉之糲粢之飯藜藿之羹布衣拊形鹿

裘樂寒養性之具不加厚而增之以任重之憂故舉天

下而傳之於舜若釋重負然

新書帝堯曰吾存心於先古加意於窮民病萬姓之

羅罪憂衆生之不遂也故一民或饑曰我饑之也一民或寒曰我寒之也一民有罪曰我陷之也仁行而義立

德博而化富故不賞而民勸不罰而民治先恕而後行是以德音遠也

又曰堯之治天下

也舜爲司徒契爲司馬禹爲司空

尙書刑德放曰益爲司馬禹爲司徒禹爲

司空三公

后稷爲大田師

越絕書曰后稷產穡制器械

象三能矣奚仲爲工

日奚仲撓曲爲輪因直爲轅駕馬服牛舟舟杖腋以代人力鑠金鑠木分苞燒殖以備器械說苑又以仲爲工師伯夷爲秩宗夔爲樂正皋陶爲大理益爲掌馭禽合舜契禹后稷爲九子以成九功其導萬民也

水處者漁山處者木谷處者牧陸處者農

管子曰信堯之時山不童

而用膳澤不弊而養足耕以自養以其餘應良天子故

平牛馬之牧不相及人民之俗不相知不出百里而來

足故卿而不理靜也其獄

一蹄腓一蹄履而當死

地宜其事事宜其械械宜其

用用宜其人澤阜織網陵阪耕田得以所有易所無以

所工易所拙是故離叛者寡而聽從者衆譬若播棊丸

於地員者走澤方者處高各從其所安夫有何上下焉

管子曰堯之治天下猶埴之在埏唯

陶之所為猶金之在鑪恣冶之所鑄

若風之遇簫忽然

感之各以清濁應矣

呂氏春秋曰堯之容若委衣裳以言少事也

九十七年司空巡十有二州

吳越春秋曰堯號禹曰伯禹官曰司空賜姓姒氏統領

州伯以巡十二部

國語太子晉曰賜姓曰姒氏曰有十

夏謂其能以嘉祉殷富生物也

洲記曰禹經諸侯五岳使工刻石識其里數高下其字

科斗書非漢人所了諸名山亦然

一百年帝陟于陶

虞書曰二十有八載帝乃殂落

孔安國曰堯壽百一十六歲按堯立七十載得

舜又三年而使之攝位又二十八年堯崩通計共一百一十八年幸是崩通舜攝二十八

攝政攝政八年而堯崩凡二十八年並誤○謂堯在位九十八年幸是崩通舜攝二十八

教乎八狄道死葬羣山之陰衣衾三領穀水之棺葬以紼之既泥而後哭滿罔無封已葬而牛馬長之山崩經

日狄山帝堯葬於陽帝嚳葬於陰又曰帝堯帝嚳帝等葬於岳山呂氏春秋曰堯葬於穀林道樹之世紀曰堯

葬於濟陰之城陽西北是為穀林案城陽在定陶與紀年合

百姓如喪考妣三載四

海遏密八音如喪考妣春秋曰堯崩禹服三年之喪史記曰

堯崩三年之喪畢後漢書李固傳曰昔堯殂之後舜仰慕三年坐則見堯於牆食則見堯於

舜讓辟丹朱於南河之南正義曰括地志云故堯城在濮州鄆城縣東北十五里竹書云昔堯殂我為舜所四也又有偃朱故城在縣西北十五里竹書云舜囚堯復偃塞丹朱使不與父相

見也按濮州北臨濮大川也河在堯都之南故曰南河
禹貢至于南河是也其偃朱城所居即舜讓避丹朱於
南河之南處也○案所諸侯朝覲者不之丹朱而之舜
引竹書今紀年無此文諸侯朝覲者不之丹朱而之舜
訟獄者不之丹朱而之舜謳歌者不謳歌丹朱而謳歌
舜舜曰天也夫然後之中國踐天子位焉是為帝舜年
原註帝子丹朱避舜於房陵舜讓不克朱遂封於房為
虞賓三年舜即天子之位地理志房陵縣屬漢中郡師
古曰今謂之房州此丹朱所避也世本曰舜封丹朱於
房廣韻曰房姓本自堯子丹朱舜封為房邑侯子陵以
父封為氏一統志房縣在鄖陽府城西南三百一十里
舜封丹朱即此路史註相國經引孟子注舜封丹朱於
白水白水乃今清河蓋夏封之在安陽永和鎮西南三
里有丹朱陵南八里有帝子夜遊臺周二百步相臺志
云丹朱遊之地尚書逸篇曰堯
子丹朱不肖舜使居丹淵為諸侯

帝舜有虞氏

史記志疑曰自幕有虞國遞傳至舜猶然諸侯耕漁陶
販乃其初不得於親之故左傳稱自幕至瞽瞍無違命

書之師錫號為虞舜二女之降亦名嬪虞孟子述象呼
舜都君而史言自窮蟬至帝舜皆微為庶人誤左傳疏
謂自瞽瞍失國亦不足據

元年己未

堯崩於乙卯至是四年

帝卽位居冀

統箋曰舜都蒲坂平陽府蒲州也亦禹

貢冀州之地

史記曰堯崩三年喪畢讓丹朱天下歸舜而禹臯陶契

后稷伯夷夔龍垂益彭祖自堯時而皆舉用未有分職

於是舜乃至于文祖

書曰月正元日舜格于文祖

謀于四嶽辟四門

明通四方耳目

古今注曰五明扇舜所作也既受堯禪廣開視聽求賢人以自輔故作五明扇

焉管子曰舜有告善之旌而主不蔽也世紀曰舜立謗之木尹子曰有虞之君天下也使天下貢善又曰

成昭之教舜曰遊天下之逆命十二牧論帝德行厚德從天下之順天下不足收也

遠佞人則蠻夷率服舜謂四嶽曰有能奮庸美堯之事

者使居官相事皆曰伯禹為司空可美帝功舜曰然嗟

禹汝平水土維是勉哉吳越春秋曰堯崩舜薦大禹改官司徒內輔處位外行九伯

禹拜稽首讓于稷契與皋陶舜曰然往矣舜曰棄黎民

始饑汝后稷播時百穀舜曰契史記曰母簡狄有娥氏

行浴見元鳥墮其卵簡狄取吞之因孕生契淮南子曰

有娥在不周之北長女簡翟少女建疵拾遺記曰娥上

四月而生契呂氏春秋曰有娥氏有二佚女為之九成

之臺飲食必以鼓帝令燕往視之鳴若論隘二女愛而

爭搏之覆以玉筐少選發而視之燕遺二卵北飛遂不

反二女作歌一終曰燕燕往飛實始作為北音朱符瑞

志曰簡狄以春分元鳥至之日從帝祀郊禘有元鳥為

卵而墮之簡狄得而吞之遂孕剖而生契古史攷曰

契生堯世舜始舉之必非汝為司徒而敬敷五教在寬

舜曰皋陶

春秋元命苞曰堯為天子季秋下旬夢白虎

雲威已生皋陶索扶始問之如堯言明於刑法罪次始

終故立皋陶為大理世紀曰皋陶生於曲阜偃地故帝

因之而以賜姓曰偃白虎通曰皋陶鳥喙荀子曰皋陶

之狀色如削瓜文子曰皋陶喙而為大理天下無虐刑

蠻夷猾夏寇賊姦軌汝作士五刑有服五服三就五流

有度五度三居維明能信舜曰誰能馴予工皆曰垂可

於是以垂爲共工世本曰垂作鑿舜曰誰能馴予上下草

木鳥獸皆曰益可淮南子曰伯益作井而能登元雲於神棲崑崙能愈多而德愈溥矣於

是以益爲朕虞益拜稽首讓于諸臣朱虎熊羆卽高辛氏之子伯虎仲熊也書孔傳曰舜曰往矣汝諧遂以朱

虎熊羆爲佐舜曰嗟四嶽有能典朕三禮管子曰有夷重益所讓四人皆在元凱之中舜曰往矣汝諧遂以朱

虎熊羆爲佐舜曰嗟四嶽有能典朕三禮管子曰有夷斬羣害以爲民利封土爲社置木爲閭民始知禮也皆

淮南子曰有虞氏之祀其社用土祀中雷葬成故皆

曰伯夷可鄭語曰姜伯夷之後也舜曰嗟伯夷以汝爲

秩宗夙夜維敬直哉維靜潔伯夷讓夔龍舜曰然以夔

爲典樂教稭子直而溫寬而栗剛而無虐簡而無傲詩

言意歌長言聲依永律和聲八音能諧毋相奪倫神人

作大韶之樂

以和舜曰龍朕畏忌讒說殄偽振驚朕衆命汝爲納言
夙夜出入朕命惟信舜曰嗟汝二十有二人敬哉惟時
相天事舜之踐帝位載天子旗往朝父瞽瞍夔夔唯謹
如子道封弟象爲諸侯韓詩外傳曰舜封黃帝之孫子十有九人

樂記曰舜作五弦之琴以歌南風

尸子曰其詩曰南風之薰兮可以解吾民

之愠兮南風之時兮可以阜吾民之財兮禮記疏曰南風孝子之詩舜以教天下之孝琴清英曰舜彈五弦之琴而天下治堯加二夔始制樂以賞諸侯魯哀公問於弦以合君臣之恩也孔子曰樂正夔一足信乎孔子曰昔者舜欲以樂傳教於天下乃令重黎舉夔於草莽之中以爲樂正夔於是正六律和五聲以通八風而天下大服重黎又欲益求人舜曰唯聖人爲能和樂之本若夔者一而足矣非一足也虞書夔曰夏擊鳴球搏拊琴瑟以詠祖考來格虞賓在位羣后德讓下管鼗鼓合止祝敔笙鏞以間鳥獸跄

踰簫韶九成鳳凰來儀夔曰於予擊石拊石百獸率舞

庶尹允諧

呂氏春秋曰舜立仰延乃并幹瞽之所為瑟

修九招六列六英以明帝德淮南子曰有虞氏其樂成
池承雲九韶其服尚黃春秋繁露曰舜時民樂其韶堯
之業故韶者昭也樂動聲儀孔子曰簫韶者舜之遺音
元命苞韶作紹

也溫潤以和似南風之至其為音如寒暑風雨之動物
如物之動人雷動獸禽風雨動魚龍仁義動君子財色
動小人是以聖人務其本

三年命咎陶作刑

虞書曰象以典刑流宥五刑鞭作官刑朴作教刑金作

贖刑箠災肆赦怙終賊刑欽哉欽哉惟刑之恤哉韓詩

曰舜讎盆無臚而下不以餘獲罪飯乎土簋噉乎土型
而農不以力獲罪靡裘而整領而女不以巧獲罪法下
易由事寡易為功而民不以政獲罪故大道
多容大德衆下聖人寡為故用物常壯也左傳引夏

書曰昏墨賊殺臯陶之刑也

世本曰陶制五刑急就篇

陶謨禹始造律書大傳曰唐虞象刑記墨者蒙帛市犯
劓者絛其衣犯臙者以墨蒙其臙處而畫之記人辟者
布衣無領論衡曰甦臙者一角之羊也性知有罪臯陶
治獄其罪疑者令羊觸之有罪則觸無罪則不觸故臯
陶敬羊起

坐視之

五年二月東巡狩

增

春秋運斗樞曰舜以太尉受號卽位爲天子五年二月
東巡狩至于中州與三公諸侯臨觀于河黃龍五采負
圖出置舜前躡入水而前去黃玉爲柙長三尺廣八寸
有戶白玉爲檢黃金爲繩紫芝爲泥封兩端章曰天皇
帝符璽鳥文舜與大司空禹臨侯博望等三十人集發
圖元色絛長三十二尺中有七十二帝地形之制天文
位度之差藏之大麓

七年作大唐之歌增

書大傳曰維五祀奏鐘石論人聲及乃鳥獸咸變于前
故更箸四時推六律六呂詢十有二變而道宏廣五作
注五十道孝力爲右秋養耆老而春食孤子乃淳然招
樂興于大鹿之野報事還歸二年謾然乃作大唐之歌
其樂曰舟張辟雍鵠鵠相從八風回回鳳皇喈喈

九年西王母來朝

金樓子曰西王母來朝天子有援耳貫胃之民來獻珠蝦

書大傳曰舜以天德嗣堯西王母來獻白玉琯尙書帝
命驗曰西王母於大荒之國得益地圖慕舜德遠來獻
之世本曰舜時西王母獻白環及佩禮斗威儀曰獻地
於庭擎石拊石百獸率舞景星出房地出爾雅曰觚竹
乘黃之馬西王母獻白環玉玦紀年註同爾雅曰觚竹
北戶西王母曰下謂之四荒

大明黜陟分北三苗增

舜典曰三載考績三考黜陟幽明庶績咸熙分北三苗

呂氏春秋曰舜卻苗民更易其俗

金仁山曰堯釐三苗于三危罪其桀黷也

黜陟亦以銷其勢也至禹徂征止曰有苗曰苗民蓋所存者特其種耳

十四年卿雲見命禹代虞事

書大傳曰歌者三年

承上文大唐之三歌而言舜之十年也

昭然乃知乎王

世明有不世之義招為賓客而離為主人始奏肆夏納

以教成舜為賓客而禹為主人樂正滌贊曰尙攷大室

之義唐為虞賓至今衍於四海成禹之變垂於萬世之

後

案招為賓客以下疑卽紀年所書十五年帝命於時夏后有事於太室之事但文必有脫誤難攷耳

俊又白工相和而歌卿雲帝乃倡之曰卿雲爛兮禮緼

綬兮日月光華旦復旦兮八伯咸進詣首而和曰明明
尙天爛然星陳日月光華宏予一人帝乃載歌日日月
有常星辰有行四時從經萬姓允誠於予論樂配天之
靈還於聖賢莫不咸聽聳乎鼓之軒乎無之菁華已竭
蹇裳去之於時乃八風修通卿雲蓂蓂蟠龍資信於其
藏蛟魚踊躍於其淵龜鼈咸出於其穴遷虞而事夏也

春秋演孔圖曰舜將興黃雲升堂宋符瑞志曰舜在位
十四年奏鐘石笙箎未罷而天大雷雨疾風發屋拔木
桴鼓播地鐘磬亂行舞人頓伏樂正狂走舜乃擁楯持
衡而笑曰明哉夫天下非一人之天下也亦乃見於鐘
石笙箎乎乃薦禹於天使行天子事於時和氣習應慶
雲興焉若煙非煙若雲非雲郁郁紛紛蕭索輪囷百工
相和而歌慶雲舜乃設壇於河依堯故事至於下其榮
光休氣至黃龍負圖長三十二尺廣九尺出於野時赤
文錄錯其文言當禪禹○案所載慶雲歌與大傳同紀年
注全引之然舜禹異位在三十三年此云代虞事特令
之代祭耳注多引符瑞
証複可厭今概從略

十五年帝命夏后有事于太室

永經注曰河南陽翟縣有夏亭城夏禹始封於此爲

夏國語曰夏之興也祖融降于崇山

書大傳曰維十有三祀帝乃稱王而人唐郊猶以丹朱爲尸於時百執事咸昭然乃知王世不絕燭然必自有繼祖守宗廟之君還歸二年而廟中苟有歌大化大訓六府九原而夏道興○案統箋以太室爲中岳嵩山集證以太室爲舜之祖廟乃明堂中央之正室所以祀帝顓頊也舜以主祭之事命禹故大傳曰招爲賓客而離爲主人舜爲賓客而禹爲主人又曰尙攷太室之義唐爲虞賓明將以天下使禹主之也舜禹同祖顓頊故禹得爲主人此說近理孟子所謂使之主祭而百神享之者蓋此時已欲薦禹於天矣○史記曰帝舜朝禹伯夷

皐陶相與語帝前皐陶述其謀曰信其道德謀明輔和
禹曰然如何皐陶曰於慎其身修思長敦序九族衆明
高翼近可遠在已禹拜美言曰然皐陶曰於在知人在
安民禹曰吁皆若是惟帝其難之知人則智能官人安
民則惠黎民懷之能知能惠何憂乎驩兜何遷乎有苗
何畏乎巧言善色佞人皐陶曰然亦行有九德亦言其
有德乃言曰始事事寬而栗柔而立愿而共治而敬擾
而毅直而溫簡而廉剛而實彊而義章其有常吉哉日
宜三德蚤夜翊明有家日嚴振敬六德亮采有國翕受
曾施九德咸事俊乂在官百吏肅謹毋敎邪淫奇謀非
其人居其官是謂亂天事天討有罪五刑五用哉吾言
底可行乎禹曰汝言致可績行皐陶曰余未有知思贊

道哉帝舜謂禹曰汝亦昌言禹曰於予何言予思日孳
孳臯陶難禹曰何謂孳孳禹曰鴻水滔天浩浩懷山襄
陵下民皆服於水予陸行乘車水行乘舟泥行乘橇山
行乘橦行山乘木與益予衆庶稻鮮食以決九川致四
海浚畎澮致之川與稷予衆庶難得之食食少調有餘
補不足徙居衆民乃定萬國爲治臯陶曰然此而美也
禹曰於帝慎乃在位安爾止輔德天下大應清意以昭
待上帝命天其重命用休帝曰吁臣哉臣哉臣作朕股
肱耳目予欲左右有民女輔之予欲觀古人之象日月
星辰作文繡服色女明之予欲聞六律五聲八音來始
滑以出入五言女聽予卽辟女匡拂予女無面諛退而
謗予敬四輔臣諸衆讒嬖臣君德誠施皆清矣禹曰然

帝卽不時布同善惡則毋功帝曰毋若丹朱傲維慢游
是好毋水行舟朋淫於家用絕其世予不能順是禹曰
予辛壬娶塗山癸甲生啟予不子以故能成水土功輔
成五服至於五千里州十二師外薄四海咸建五長各
道有功苗頑不卽功帝其念哉帝曰道吾德乃女功序
之也皐陶於是敬禹之德令民皆則禹不如言刑從之
舜德大明帝用此作歌曰陟天之命維時維幾乃歌曰
股肱喜哉元首起哉百工熙哉皐陶拜手稽首揚言曰
念哉率爲興事慎乃憲敬哉乃更爲歌曰元首明哉股
肱良哉庶事康哉又歌曰元首叢脞哉股肱惰哉萬事
墮哉帝拜曰然往欽哉於是天下皆宗禹之明度數聲

樂爲山川神主

十七年春二月入學初用萬

夏小正曰二月丁亥萬舞入學○案虞廷以教冑屬典樂干羽格有苗皆此意也夏后承之故他日垂爲令典二十五年息慎氏來朝貢弓矢

史記曰龍主賓客遠人至十二牧行而九州莫敢辟違

各以其職來貢南撫交趾北發

索隱曰當云北戶

西戎析枝渠

婁氏羌北山戎發息慎東長鳥夷

一作島夷

四海之內咸戴

帝舜之功海外西經曰肅慎之國在白民北大荒北經

曰大荒之中有山名曰不咸有肅慎之國郭注云今肅

慎國去襄平三千餘里其人皆工射弓長四尺勁彊箭

以楛爲之長尺五寸青石爲鏑此春秋時隼集陳侯之

庭所得也

二十九年帝命子義鈞封于商

世紀曰娥皇無子女英生商均呂氏春秋曰帝俊妻娥皇生三身之國姚姓黍食又曰帝俊生三身三身生義鈞義鈞是始為巧倕是使作下民百巧又曰帝俊生季

聲教曰季釐之國又曰帝俊生中容又曰帝舜生戲戲主搖民又曰帝舜生無淫降載處是為重我氏時姁食穀又曰舜妻登比氏生宵明史記曰舜子商均亦不肖燭光處河大澤一日登北氏

金樓子曰商均一名章鵠紀年原註義鈞封于商是謂商鈞日史正義縣在宋州北五十里古虞國商均所封一統志曰虞城縣在歸德府城東北六十里當時并商丘皆在國內故曰商也

三十年葬后育于渭案博物志曰堯之二女舜之二妃曰班列女傳曰舜死於蒼梧二妃死於江湖之間俗謂之湘君水經注曰大舜之陟方也二妃從征溺於湘江惟紀年足證其誤

原註后育娥皇也地理志扶風陳倉縣有黃帝孫舜妻

也

盲冢祠

統箋案盲蓋育之譌

寰宇記蒲州河東縣東十一里有二

妃陵俗謂娥皇女英陵

三十二年帝命夏后總師遂陟方岳

荀子曰舜禪夏禹於洞庭之野○案舜以

喪畢次年卽位書云三十三載者蓋以喪畢之年數之

虞書帝曰格汝禹朕宅帝位三十有三載耄期倦于勤

汝惟不息總朕師禹曰朕德罔克民不依皐陶邁種德

德乃降黎民懷之惟帝念功帝曰皐陶惟茲臣庶罔或

于予正俾予從欲以治四方風動惟乃之休

尸子曰舜南面而治

天下太平調於玉燭息於承風食於膏火飲於醴泉舜之行其循河海乎千仞之豁亦滿焉蟻蟻之穴亦

滿帝曰來禹泝水儆予成允成功惟汝賢克勤于邦克

儉于家不自滿假惟汝賢汝惟不矜天下莫與汝爭能

汝惟不伐天下莫與汝爭功予懋乃德嘉乃丕績天之

歷數在汝躬汝終陟元后人心惟危道心惟微惟精惟一允執厥中無稽之言勿聽弗詢之謀勿庸可愛非君可畏非民衆非元后何戴后非衆罔與守邦欽哉愼乃有位敬修其可願四海困窮天祿永終惟口出好興戎朕言不再禹拜稽首固辭帝曰毋惟汝諧

案尸子稱蒲衣子八歲舜

讓以天下莊子稱舜以天下讓其友北人無擇與石戶之農子州支伯呂覽襲之高士傳又謂舜以天下讓善卷展轉依託今不具錄

三十三年春正月夏后受命于神宗

虞書曰正月朔旦受命于神宗率百官若帝之初

蔡傳

宗堯廟也禮有虞氏祖顓頊而宗堯

書大傳曰惟王后元祀帝令大禹步

于上帝維時洪祀六沴用咎于下是月知不畏而神之怒若六沴作見若是其禦帝用不差神則不怒五福乃

降用章于下若六沴作見若不共禦六伐既侵六極其
下禹乃共辟厥德受命休令爰用五事建用王極長事
一曰貌貌之不恭是謂不肅厥咎狂厥罰恆雨厥極惡
時則有服妖龜孽雞旤下體生于上之病青眚青祥維
金沴木次二事曰言言之不從是謂不乂厥咎僭厥罰
恆暘厥極憂時則有詩妖介蟲之孽犬旤口舌之病白
眚白祥維木沴金次三事曰視視之不明是謂不聰厥
咎棗厥罰恆燠厥極疾時則有草妖僂蟲之孽羊旤目
病赤眚赤祥維火沴木次四事曰聽聽之不聰是謂不
謀厥咎急厥罰恆寒厥極貧時則有鼓妖魚孽豕旤耳
病黑眚黑祥維火沴木次五事曰心維思思之不容
當是謂不聖厥咎眊厥罰恆風厥極凶短折時則有脂

夜之妖華孽牛厥心腹之病黃眚黃祥維金木水火沴
土王之不極是謂不建厥咎眚厥罰恆陰厥極弱時則
有射妖龍蛇之孽馬厥下人伐上之病日月亂行星辰
逆行維五位復建辟厥沴曰二月三月維貌是司四五
月視六七月言八九月聽十一月思心十二月與正
月王極凡六沴之作歲月日之朝則后王受之歲月日
之中則正卿受之歲月日之夕則庶民受之其二辰以
次相將其次受之星辰莫同是離逢非沴維鮮之功禦
貌于喬忿禦言于訖衆禦視于忽似禦聽于忱攸禦思
心于有尤禦王極于宗始以其月從其禮祭之參乃從
其祀禮曰格祀曰某也方祀曰播國率相行事註曰播讀曰藩
其祀也曰若爾神靈洪祀六沴是合無差無傾無有不

正若民有不敬事則會批之于六沴六事之機以垂示

我我民人無敢不敬事上下王祀禹也禹始居斯為君

之年也宋符瑞志曰洛出龜書六十

遂復九州

漢書曰禹收九牧之金鑄九鼎象九州皆常陽

說文曰禹收九牧之金鑄鼎荆山之下

書序曰帝釐下土方設居方別生分類作汨作九共九

篇彙飫

傳云凡十一篇皆亡薛宣書古文訓曰伏生稱

好惡為之貢賦政教略能記其語曰子孫下土使民平

有二州而九共止於九篇治左傳虞人之箴曰芒芒禹

跡畫為九州禹貢曰冀州既載壺口濟河惟兗州海岱

惟青州海岱及淮惟徐州淮海惟揚州荆及衡陽惟荆

州荆河惟豫州華陽黑水惟梁州黑水西河惟雍州傳

冀州帝都不說境界世紀曰自天地設闢未有經界之

制三皇尙矣諸子稱神農之王天下亡地東西九十萬

里南北八十五萬里

淮南子曰神農大九州桂州迎州神州等州是也至黃帝以來德不

及遠惟於神州之內分爲九州括地及黃帝受命始作

象曰崑崙東南萬五千里名曰神州及黃帝受命始作

舟車以濟不通乃推分星次以定律度而他說稱日月

所照三十五萬里考諸子所載神農之地過日月之表

近爲虛誕及少昊氏之衰九黎亂德其制無聞矣洎顓

頊之所建帝嚳受之則孔子稱其地北至幽陵南暨交

趾西蹈流沙東極蟠木日月所照莫不底屬是以建萬

國而制九州至堯遭洪水分爲十二州今虞書是也及

禹平水土還爲九州今禹貢是也是以其時九州之地

凡二千四百三十萬八千二十四頃定墾者九百二十

萬八千二十四頃不墾者千五百萬二千頃民口千三百五十五萬三千九百二十三人至於塗山之會諸侯承唐虞之盛執玉帛亦有萬國是以山海經禹使人章步自東極至於西垂二億三萬三千五百里七十五步又使豎亥步南極北盡於北垂二億三萬三千五百里七十五步四海之內則東西二萬八千里南北二萬六千里出水者八千里受水者八千里名山五千二百五十經六萬四千五百六十六里出銅之山四百六十七出鐵之山三千六百九以供財用儉則有餘奢則不足以男女耕織不奪其時故公家有三十年之積私家有九年之儲

三十五年帝命夏后征有苗有苗氏來朝

虞書帝曰咨禹惟時有苗弗率

史記曰三苗在淮荆州數爲亂苗子口舜有

天下國之不服者十有三戰國策

汝祖征禹乃會萃后

誓于師曰濟濟有衆咸聽朕命蠢茲有苗昏迷不恭侮

慢自賢反道敗德君子在野小人在位

韓非子曰三苗有成駒亡國之

臣民棄不保天降之咎

呂刑曰上帝不獨降咎于苗苗

紀年云三苗將亡天雨血夏有冰地拆及泉青龍見於

廟日夜出晝日不出三苗數叛數亡今此語見墨子而

文小異紀肆予以爾衆士奉辭伐罪爾尙一乃心力其

克有勲三旬苗民逆命益贊于禹曰惟德動天無遠弗

屆滿招損謙受益時乃天道帝初于厯山往于田日號

泣于旻天于父母負罪引慝祇載見瞽瞍夔夔齊慄普

亦允若至誠感神矧茲有苗禹拜昌言曰兪班師振旅

帝乃誕敷文德舞干羽于兩階七旬有苗格

韓詩外傳曰當舜之

時有苗不服其不服者衡山在南岐山在北右洞庭之
波左彭蠡之水由此險也以其不服禹請伐之而帝不
許曰吾喻教猶未竭也久喻教而有苗氏謂服呂氏春
秋作行德三年而三苗服隨巢子曰昔三苗大亂天命
殛之大神降而輔之司祿益食而民不饑司金
益富而國家寶司命益年而民不夭四方歸之

四十二年元都氏來朝貢寶玉

周書曰昔者元都賢鬼道廢人事天謀臣不用龜策是

從神巫用國哲士在外元都以亡

路史國名記曰元都少昊時諸侯外傳云

元都氏黎國或謂重黎非也

四十七年冬隕霜不殺草木

呂氏春秋曰禹之時天先見草木秋冬不殺禹曰木氣

勝木氣勝故其色尚青其事則木漢郊祀志曰夏得木

德草木鬯茂

紀年原註云夏道將興草木鬯茂青龍止於郊

四十九年帝居于鳴條

尚書埤傳曰鳴條湯伐桀處孔傳云地在安邑之西史記正義引括地志云高涯原在蒲州安邑縣北南阪口即古鳴條陌一名鳴條岡今在解州安邑縣北二十里舜都蒲阪去安邑甚近

五十年帝陟

虞書曰舜生三十徵庸三十在位五十載陟方乃死史記

曰舜年二十以孝聞年三十堯舉之年五十攝行天子事年五十八堯崩年六十一代堯踐帝位踐帝位三十九年南巡狩崩於蒼梧之野葬於江南九疑是為零陵世紀曰舜以堯之二十一年甲子生三十一年甲午徵用七十九年壬午即真百歲癸卯南征崩於鳴條禮記曰舜葬於蒼梧之野蓋三妃未之從也山海經曰蒼梧之山帝舜葬於陽帝丹朱葬於陰又曰赤水之中有蒼梧之野舜與叔均之所葬也墨子曰舜西教乎七戎道死葬南已之市衣衾三領穀木之棺葛以絨之已葬而市人乘之呂氏春秋曰舜葬於紀市不變其肆皇覽曰舜冢在零陵營浦縣其山孟子曰舜生於諸馮即春秋九谿皆相似故曰九疑

之諸浮冀遷於負夏鄭元曰負夏衛地卒於鳴條路史曰今帝
州之地鳴條東夷之人也
紀年原註鳴條有蒼梧之山帝崩遂
葬焉今海州困學紀聞曰世傳舜葬
蒼梧之野孟子以為卒於鳴條呂氏春秋舜葬於紀
梧山在海州東海縣有蒼梧山與休文附注正同則舜
四域志海州東海縣有蒼梧山與休文附注正同則舜
不當遠葬於零陵庶為得之知新錄曰今山西平陽府
卽古河中也解州安邑縣西北二十里有鳴條岡舜墓
具在孟子舜卒於鳴條此為不易之論山海經云蒼梧
帝舜葬其陽丹朱葬其陰舜以唐封丹朱卽今平陽則
古蒼梧卽為鳴條可為一證路史發揮曰虞帝之墳在
在有之蓋聖王恩霑偶澤及牛馬赴格之日殊方異
域無不為位而墳土以致其哀敬是以非一所也是則
九疑之陵或第象之國所崇封爾不然商均窆也大荒
南經云赤水之東蒼梧之野舜子叔均之所葬也而九
疑山記亦謂商均窆其陰豈非商均徒
此因葬之後世遂以為虞帝之墳耶